

儀禮經傳內編

儀禮經傳內編卷二十二

姜兆錫註疏參義

因事之祭五之四

此皆非正祭而因事以祭之之禮故又為一類也

士大夫受命祭禮

諸侯受命祭禮

此士大夫受命于君與諸侯受命于王因事祭之之禮其禮應與正祭殊而皆闕不可

考夫今各將傳

記備義考于左

義祭統古者明君爵有德而祿有功必賜于大廟示不敢專也

故祭之日一獻君降立于阼階之南南鄉所命北面史由君右

執策命之再拜稽首受書以歸而舍奠于其廟

其廟臣之廟也祭禮繁釋其禮

簡○疏曰爵祿賜于大廟而王制云爵人于朝者朝詢于眾位定然後入廟賜命也今世命官猶然

考國語襄王使大宰文公及內史與賜晉文公命及期命于武

官設桑主布几筵大宰涖之晉侯端委以入大宰以王命命冕

服內史贊之三命而後卽冕服

期者受命之日也武宮文公祖武公之廟主謂獻公之主禮既

葬而虞虞而作桑主王于是命世子世子乃卽位受命服今獻

公死已久于此設桑主者文公不欲繼惠懷故立獻公之主自

以子繼父之位行未踰年之禮也世子未受爵命故服上士端

委之服以入冕服諸侯之驚冕服也卽就也三次以王命命之

公三讓訖而乃受也春秋傳晉人執衛侯歸于京師王釋衛侯將入恐元

咺之復距已也使謂周欽治盧曰苟納我使爾為卿公入祀先

君周治既服將命

注曰服卿服也服之者將入廟受命也愚按

王命晉侯設主布筵以受雖不言祭而祭可知矣衛侯雖非始受命猶祭况始受乎周治既

服命服而入廟將命則其受命而奠亦可知也

王卽位祭禮

王卽位受命于天而祭之猶諸侯大夫士受命于其君而祭之也禮闕今亦記考于左下計立

君放

此

考虞書堯典堯曰格汝舜詢事考言乃言底可續三載汝陟帝

位舜讓于德弗嗣正月上日受終于文祖注曰格來詢謀乃汝底致陟升也三載考

績故命使升帝泣帝將禪之也讓弗嗣者辭讓于德不堪嗣帝

位也上日朔日也文祖者堯之祖廟堯終帝位而舜于此受之

也疏曰凡事之始必先以言謀之後乃為之今汝言所謀之事

義考汝所言致可以立功于今三年矣考既有功故使汝升帝

位也錄三考乃退此一考使升者無功冀其有成故循常法

待三考無成乃勉為緩刑之義舜既有成故一考即升之與常

法不同也愚按詢問也問以事因考所言而知其可有功也肆

如此看覺較明爽詩咨詢咨謀各為一義以詢為謀蓋非肆

類于上帝禋于六宗望于山川禘于群神肆達也類禋望皆祭名偏謂祭之徧也詳

見書周書武城惟一月癸巳王朝步自周于征伐商厥四月丁

未祀于周廟邦甸侯衛駿奔走執豆籩越三日庚戌柴望大告

武成于往也邦甸侯衛約舉侯服之詞時周未定九服之制也

因祭

上立君祭禮上立君蓋指定王位而言若諸侯受命于王不宜卜也餘見上

記周禮小宗伯國大貞則奉玉帛以詔號注曰號謂大祝六

立君上大封也疏曰問事之正曰貞

諸侯封國祭禮王建都及諸侯封國皆與受命正位相表裏故有祭禮禮闕今記于左

記周禮大宗伯王大封則先告后土注曰后土土神也疏曰大

命大夫四命其出封皆加一等者若卿大夫授采邑者為小封也封土地故先以稯告后土乃封之后土有二若五行之官中央土官其官名后土重黎為祝融兼為之彼后土但謂土官也若左傳君戴皇天而履后土則為后土神與此同

祝建邦國先告后土用牲幣注曰后土社神也疏曰大宗伯注

社神也按孝經緯云社者五土之總神郊特牲社祭土而主陰氣也故社為土神若勾龍生為后土之官死則配社故舉配食之人以言社其實告社神也后土雖告祭有牲有幣禮不虛動故也

王建都祭禮

見上

考誓名誥惟三月乙卯周公朝至于洛建觀于新邑營越三日

丁巳用牲于郊牛二越翼日戊午乃社于新邑牛一羊一豕一

此營洛邑而祀之也牛二謂帝牛及稷牛也郊不言羊豕者所謂郊特牲也洛誥王肇稱殷禮祀于

新邑咸秩無文肇始稱舉殷盛秩序也此洛邑成公告成王肇舉盛禮祀于新邑而凡祀典所不載者咸序而

也

記周禮內宰凡建國佐后立市祭之以陰禮注曰建國必面朝後市王立朝后立

市陰陽相成之義也陰禮婦人之祭禮

鄉大夫問聘祭禮見聘禮

諸侯朝見會同祭禮此諸侯朝宗親遇會同于王與其相祭朝而祭告于祖禰之屬之禮也其禮始

出若將朝將會若既反皆有之今相朝禮闕不存其朝會于
于所存親禮惟有將朝釋奠之儀餘不詳者蓋宗親遇之禮

多因于朝從省文故朝禮亡而無可考與今將會于
問升補其禮如左而記其零文于後學者推之可也

諸侯適天子告于祖奠于禩此親告也○注曰皆奠幣以告之互文也冕而出視朝命

祝史告于社稷宗廟山川乃命國家五官而后行道而出此命告也○注

曰臨行又命徧告也五官五大夫道祖道也疏曰按大宰云建其
牧立其監設其參傳其五是諸侯有三卿五大夫也按聘禮記出

祖釋轅祭酒脯是也彼注云祖始也行出國門止車騎釋酒脯之
奠于轅為行始也又按春秋傳轅涉山川轅蓋山行之名道路險

險阻為難是以委土為山使者為轅祭祈告禮畢然後乘車轅之
而遂行也此城外之轅祭其五祀行神在宮內鄭注聘禮記云行

謂行者之先天子諸侯有常祀在冬喪禮毀宗躐行出于大門則
行神之位在廟門外西方也鄭注月令轅壇厚二寸廣五尺輪四

尺周禮注云轅以菩芻棘柏為神主詩生民取越以轅注云燔炙
其肉為尸蓋是轅亦有尸也天子轅用犬犬人注謂伏犬于轅止

是也諸侯用羊詩取羝以轅是也卿大夫以酒脯而已轅竟御者
以酒祭車馘前及車左右轅末周禮大馭云及犯轅王自左馭馭

下祝登受轡犯轅遂驅之又云及祭酌僕僕左執轡右祭兩軹祭
軌乃飲軹即轅未軹即車軹前也祭官內之軹及城外之軹其制
不殊崔氏云宮內之軹祭古之行神城外之軹祭
山川與道路之神義或然也壇在山其神曰嶽 告者五日而徧

過是非禮也 疏曰前命祝史告而諸侯猶待告徧乃行故以五日
為期也期以五日近者可就告若遠者當望告矣

凡告用牲幣 注曰牲當為制誤文也制幣一丈八尺疏曰皇氏熊
氏以諸侯禮不用牲故牲當為制天子當用牲故鄭

注周禮大祝職引此文不破牲字校人云王所過山川則飾黃駒
是天子用牲此下文云幣用皮圭以告是諸侯不用牲也或曰王

侯出入有告有祭告用制幣祭用牲卿大夫唯入祭故聘禮既使而反祭用牲也
反亦如之 通謂上文親

屬以諸侯相朝章參之可見舊
以此句單承凡告用牲幣者非

右諸侯朝王

諸侯相見告于禴 注曰道近政可不親告祖也 朝服而出視朝命祝史告于五

廟所過山川亦命國家五官道而出 注曰山川所不過則不告
于適天子也疏曰諸侯朝服

玄冠緡衣素裳也朝天子冕而出者敬天子也其相朝唯朝服者
 下于天子也熊氏云朝服謂皮弁服也天子用以視朝故名皮弁
 服謂之朝服而弁諸侯之相朝者亦用之知者聘禮
 諸侯相朝服皮弁服明相朝亦皮弁服此義為勝也反親告于祖
 禴乃命祝史告至于前所告者而後聽朝而入適天子往反同禮
 告于禴反則兼告于祖禴故不
 曰反亦如之而特言其異也

右諸侯相朝

記王制諸侯將出宜乎社造乎禴將出通朝會盟伐之屬也道
社造禴亦約詞上所錄會示

問篇可
考矣

考春秋傳桓公二年公至自唐告于廟也凡公行告于宗廟及
 行飲至舍爵策勳焉禮也舍撤置也○注曰既飲置爵則書勳
勞于策言速紀有功也曠曰凡公行
者或朝或會或以盟或伐皆是也孝子之事親也出必告反必面
事死如事生故出必告行反必告至相朝告禴廟而言告宗廟

者諸廟皆告非獨禴也禮記曾子問曰諸侯適天子必告于祖
奠于禴乃命祝史告于宗廟反亦如之諸侯相見必告于禴乃
命祝史告于五廟反必告于祖禴乃命祝史告至于前所告者
由此而言朝天子則親告祖禴而祝史告群廟朝鄰國則親告
祖禴而祝史告群廟其路遠者出亦親告祖故于其反也言告于
祖禴鄭注云道近或可以不親告祖明道遠者亦親告祖矣雖
親與不親而諸廟皆告故總言告于宗廟也出則告而遂行反
則告說又飲至喪十三年傳曰公至自晉孟獻子書勞于廟禮
也書勞猶言策勳彼公至自晉朝還告廟此公至自唐盟還告
廟十六年公至自伐鄭伐還告廟三者傳皆言禮知朝會盟伐
告廟禮同也朝還告至耳亦云書勞則策勳者非唯討伐之勳
凡事有以安國寧民亦舍爵策勳于廟惟無功則告事而已反
行必告而春秋公行一百七十六書至者唯八十二不書至者
九十有四皆不告何也隱公之不告謙也餘公之不告慢也其
中亦有實非慢而不告者蓋行有耻辱不足為樂則不以告矣
若事實可耻而不為耻反行告廟則史亦書之如宣五年公如
齊高固使齊侯止公請叔姬焉書公至自齊明不以嘉禮自齊
速昏于鄰國之臣而行飲至之禮也又如莊公遠禮如齊親飲
亦書至自齊行飲至之禮其失禮亦甚矣諸侯盟者必在會後
皆書公至自會不言公至自盟者以盟是因會而為之公行以

會告廟故還
以會告至也

王巡狩會同祭禮

此王十二年時巡方岳而告祭于宗廟社稷與天地山川之屬之禮也其不時巡而

合諸侯為會同亦畧如之諸禮皆闕畧見于補巡狩會同禮今并記其未備者于左會同禮一耳乃于王與諸侯兩言之者其禮不在王國而在畿內若畿外故王亦祭宗廟社稷之屬但未巡方岳當無燔柴祭天地之禮耳

記書舜典東巡狩至于岱岳柴南巡狩至于南岳西巡狩至于

西岳朔巡狩至于北岳如初禮

柴謂燔柴以祭天也

禮記郊特牲天子

四先柴

先柴對親后以下而言也

禮器因各山以升中于天因吉土以

帝于郊升中于天而鳳凰降龜龍假饗帝于郊而風雨節寒暑

時注曰名猶大也升上也中猶成也謂太平乃巡方嶽燔柴祭天告以成功也孝經緯曰封乎泰山考績燔燎禘乎梁甫刻

石紀號也吉土王者所上而居之土也饗帝以四時祭羣兆于郊今漢亦四時迎氣其禮則簡疏曰因各山升中于天者即謂

因天事天但事天非在一所此謂封禪之時也中成也謂天子
巡守至方嶽之下因此有名之大山燔柴祭天升告以王事諸
侯之治功也太平巡守乃封禪未太平巡守但燔柴以告至而
已王制天子巡守必先柴是也若太平之時燔柴告至後乃考
諸侯功績封土為壇更燔柴祭天告諸侯之成功其禮自別而
皇顛妄議云太平乃巡守今按詩頌時邁武王巡守之禮其時
尚未太平何得云太平乃巡守乎其議非也孝經緯云封乎泰
山考績燔燎者謂于泰山封土為壇考諸侯功績而燔柴燎牲
以告天也禪乎梁甫刻石紀號者謂于梁甫除地為壇刻石為
文紀號當代謚號以告地也梁甫者泰山之旁小山也按白虎
通云王者易姓而起必升封泰山何也告報之義也必于其上
何也因高告高因下告下順其類也故升封者增其高下禪者
廣其厚增泰山之高以報天附梁甫之基以報地也封者或曰
金泥銀繩或曰石泥金繩皆封之印璽禪者除地為壇孔子云
封泰山觀易姓而王可得數者七十有餘三皇禪于緹縈之山
五帝禪于亭亭之山三王禪于梁甫之山史記封禪書齊桓公
欲封禪管仲諫正時云自古封禪七十二家夷吾所識十有六
焉昔無懷氏封泰山禪云云伏羲神農黃帝顓頊帝嚳堯舜禹
湯周成封禪皆如之唯禹禪會稽成王禪社首其餘下皆禪云
云云云者亦泰山旁小山名也因吉土以饗帝于邾者此謂祭

五方之帝因其所上以爲都之吉土而饗祭五方之帝于都之四郊也饗木帝于東郊火帝及土帝皆于南郊金帝于西郊水帝于北郊又王者祭感生之帝亦于南郊小宗伯兆五帝于四郊是也愚按告天而云升中此蓋致中和篤恭而天亦乎之驗而後世人臣治非太平倡稱封禪此矯誣上帝以欺其主之說也餘注疏亦多駁詩周頌時邁其邦

天其子之實右序有周薄言震之莫不震登懷柔百神及河

嶽允王惟后

此巡守而朝會祭告之詩也言我今巡幸侯邦天其子我乎則亦既尊序我于庶邦群神之上而上

下幽明以元后戴之矣蓋始猶但爲質天之詞而既乃信其有格天之實也

右王時巡方岳

記周禮大祝大會同造于廟宜于社過大山川則用事焉及行

告廟

注曰用事謂祭也玉人職宗祝以黃金勺前馬是也疏曰大會同者王與諸侯時見曰會般見曰同或在畿內或在

畿外亦告廟而行也按玉人職大璋中璋九寸邊璋七寸射四寸厚寸黃金勺青金外天子以巡守宗祝以前馬彼不云過大

山川此不言用黃金勺以義約為言也彼注云大山川用大瓊
中山川用中瓊小山川用邊瓊此直見過大山川不見中小者
中小山川其大山川一處直告大山川不告中小若各自別處
則用中瓊邊瓊告中小山川矣枝人職云將有事于四海山川
則飾黃駒注云四海猶四方王巡守道大山川則殺駒祈沈也
曾子問凡告必用牲幣被注破牲為制此用牲幣不破之者禘
典及王制皆云歸假于祖禴用特枝人又有飾黃駒之文故也小宗伯凡王之會同之禘祠肆
儀為位肆以志反○注曰肆習也謂若今時肆司徒府也小宗伯主其位疏曰禘時皆須豫習威儀乃為之故云肆儀當習威儀之時則小宗伯為位也愚按言禘祠亦約詞凡祭莫皆然

右王會同諸侯

盟誓祈禮

此凡盟誓既畢而祈明神之禮也今闕如記周禮二條于左

記周禮司盟凡盟祖各以其地域之衆庶其其牲而致焉既盟

則為司盟共祈酒脯

疏曰盟處無常但盟則遣其地之人祖祝出牲以盟并出酒脯以祈明神也

掌盟詛類造攻說禱祭之祝號

注曰八者祝號皆以告神也盟詛主于要誓大曰盟小曰誓疏

曰類造以下是大祝之六所但大祝不掌其祝號可盟掌盟藏之法亦不掌祝號疏其載詞故盟詛掌之也

田獵祭禮

此時田若大田若師田之屬而祭告于內外神之禮也其禮闕不詳畧見于大田補禮今并錄記其

未備者如左

記周禮肆師凡四時之大田獵祭表貉則為位

注曰貉師祭也祭始造軍法者

其神蓋

凡師甸用牲于社宗則為位

注曰社軍社也宗遷主也疏曰師甸謂征伐與田

二者也愚按疏說似是而非四時之田左傳所謂皆于農隙以講事者師甸則其所謂三年治兵振旅之屬也以甸祝師田致禽于虞中以下推之可見與征伐何涉乎小宗伯凡王之甸役之禱祠肆儀為位

謂田獵之役或曰工役亦有禱祠與田獵同故肆儀為位也

○甸祝掌四時之田表貉之祝

號注曰貉司農讀為禱詩是類是禱爾雅云兵祭也甸以講武治兵故有兵祭疏曰四時之田即大司馬蒐苗獮狩四者是

也祝號即大
祝六號之號
會奠于祖廟禘亦如之
禘亦如之者釋奠于祖者

其祝號也舊謂禘亦
如祖廟之釋奠者非
師甸致禽于虞中乃屬禽及郊饋獸舍奠

于祖禴乃斂禽禴牲禴馬皆掌其祝號
禴注音誅杜子春音禴
辨見下○注曰致禽于

虞中使獲者各以其禽來致于所表之處屬禽別其種類也饋
饋也所以所獲獸饋薦于郊之四方羣兆人又以奠于祖禴斂禽

謂取二十人腊人也禴杜子春云禴也為田禴多獲禽牲為馬
禴無疾詩既伯既禴爾雅云馬祭也是也玄謂禴讀如誅今侏

大字也為牲祭求肥充為馬祭求肥健疏曰若田在山西虞植
旗為表田在澤澤虞植旗為表故致禽于虞中也按小宗伯兆

五帝于四郊四類四望亦如之兆山川丘陵各于其方是四郊
皆祭神之兆今田獵在郊外還過羣兆故將此禽祭之上舍奠

于祖廟謂出時今舍奠在位職之下是又以所獲禽牲薦廟告
反也入腊人者按王制一為乾豆二為賓客三為充君之府撰

上殺者乾之以為豆實供祭祀其餘入賓客若君厨是也杜子
春為牲禴多獲為馬禴無疾後鄭皆不從者以凡言牲據祭祀

之牲不得據田獵之獸又禴不得為禴祈字玄謂讀如誅者此
俗讀也云今侏大字也者漢時人佛侏是侏大之字故云為牲

禴注音誅杜子春音禴
辨見下○注曰致禽于

祭求肥充為馬祭求肥健也知此小宗伯大甸則帥有司而備

皆有祭者以其言皆掌其祝號也注曰有司大司馬之屬頒禽謂以予群臣也詩

獸于郊遂頒禽傳曰禽雖多擇取三十焉其餘予大夫士以習射于澤宮而分之

講閱祭禮講閱禮與田獵禮畧同但田獵得兼講閱講閱不

所載桓六年大閱莊八年治兵之屬推之可見二禮分合之義而其祭之同異亦可推矣

征伐祭禮此王者出師討罪及諸侯卿大夫士奉命征伐凡其所祭之禮也禮闕畧見于補大師禮今參經傳

更備記考于左

記王制天子將出征類于上帝宜乎社造乎禴禘于所征之地

禴馬怕反○禴師祭也疏曰按爾雅是類是禴師祭也王制出

巡及攝位並非師祭皆類類于上帝者爾雅釋皇矣詩是類是禴為師祭不謂凡言類皆為師祭也類者以事類告天也以攝位事類告謂之類巡守事類告亦謂之類古尚書說非時祭天

謂之類許慎謹按周禮郊天正禮無言類者亦從古尚書之說
鄭氏義如之今尚書文雖異其意亦同也類雖非常祭亦比類
正禮為之小宗伯注云類受命于祖受成于學受命告祖也受
者依正禮而為之是也成定謀也出征

不敢自專故言受命兵事謀已成定故言受成祖禰皆告以祖
為尊前文但據告行故云造乎禰此據告事故云受命于祖受
命在造禰之前但前文類宜禰總說出行然後卻本初時受命受成所以文倒也出征執有罪反釋奠

于學以訊馘告馘古獲反釋奠釋菜奠幣以禮先師也訊馘

馘疏曰按大胥職文王世子皆云釋菜鄭注釋菜唯釋蘋藻而已無牲牢幣帛也熊氏乃云釋奠之時牲牢菜幣所有今按注釋菜解經中釋字奠幣解經申奠字又云禮先師不云祭先師則以訊馘告之時但有菜幣耳小宗伯大師則

帥有司而立軍社奉主車若軍將有事則與祭有司將事于四

望有司大祝也軍將有事將祝也祭有司謂大祝之屬蓋司馬望之官實典之疏曰知有司是大祝者大祝職國將有事于四望則前祝是也司馬實典之凡王之軍旅之禱祀肆儀為位凡

征伐

卷之二十一

九

肆師凡師田用牲于社宗則為位類造于上帝封于大神祭兵

于山川亦如之注曰此類造之造猶師也封于大神謂為壇以祭之山川蓋軍之所依止也六傳云牧之野武

王之大事也既事而退柴于上帝祈于社設奠于牧室疏曰師謂征伐甸謂田獵二者或有祈請當用牲于社及宗時皆肆師

為位以祭也諸文皆云造于類類于上帝此造與類同屬于上帝故鄭云造猶師也愚按師甸謂起大眾以田也此分訓征伐

與田獵二者亦以類造以下與大傳牧野之大事相合與也考本職乃起大眾以田而因有類造以下之禮注疏蓋誤釋今亦

如引之耳大祝大師宜于社造于祖設軍社類上帝國將有事于四

望及軍歸獻于社則前祝注曰設軍社春秋傳所謂君以師行祀社纛鼓祝奉以從也前祝者王出

若歸將有事于此神大祝居前先以祝辭告之疏曰六事皆大祝所掌城本文因釋已上為出時獻于社為歸時按尚書武成

丁未祀廟庚戌設樂皆是小祝注曰鄭司農云是出時告歸亦告也小祝大師掌纛祈祝號注曰鄭司農云是謂纛鼓

也春秋傳君以軍行被社纛鼓祝奉以從疏曰言掌號者皆小祝讀祝辭引春秋傳者定四年祝佗辭也曾子問曰

曾子問曰

古者師行必以遷廟主行乎。孔子曰：天子巡狩以遷廟主行，載

于齋車，言必有尊也。今也取七廟之主以行，則失之矣。注曰：齋車，金路也。

疏曰：按齋僕，孝取金路以賓，大僕掌馭玉路以祭，齋車以金路降一等也。遷廟主，皇氏謂新遷廟之主。愚按：不以七廟之主

行者，下文云七廟五廟，無處主也。曰：師行無遷主，則何主？孔子曰：主命。曰：何謂

也？曰：天子諸侯將出，必以幣帛皮圭告于祖禰，遂奉以出，載于

齋車以行。每舍奠而后就舍，反必告，設奠卒，敘幣玉藏諸兩階

之間，乃出。蓋貴命也。注曰：奠乃就舍，以醑醢醢醢神，乃敢即安也。所告而不以出，即理之疏曰：主命者，既無

遷主，乃以幣帛皮圭告廟，遂奉載于齋車，以象受命也。皇氏云：有遷主者，直以幣帛告神，而不將以出行，故即埋之。兩階之間，無遷主者，加以皮圭，深

既告，遂奉出，反乃埋也。

考書湯誥曰：夏王滅德，作威以敷虐于爾萬方，百姓肆台小子。

將天命明威不敢放敢用玄牡敢昭告于上天神后疏曰殷自

也上天神后總謂天也論語作皇天后帝泰誓曰商罪貫盈天

命誅之予不順天厥罪惟鈞予小子夙夜祗懼受命文考類于

上帝宜于冢土以爾有家底天之罰底致也疏曰紂惡如物在

罪猶如律故縱者與同罪也王制以神尊卑為次故先言帝社

武成曰王朝步自周于征伐商告于皇天后土所過各山大川

曰惟有道曾孫周王發將有大正于商今商王受無道予小子

既獲仁人敢祗承上帝以遏亂畧惟爾有神尙克相予以濟兆

民無作神羞疏曰自稱有道者聖人為民除害不飾以謙辭也

注曰仁人謂太公周公之徒馬按于征之于往也大傳

之意舊服訓為以兵征之者非異猶謀也舊訓為路亦曲

牧之野武王之大事也既事而退柴于上帝祈于社設奠于牧

室遂率天下諸侯執豆蓬蓬奔走進王大王尊父王季歷文王

尊不以卑臨尊也注曰蓬疾也疾奔走言勤事也左傳成公十

三年諸侯從劉康公成肅公會晉侯伐秦成子受賑于社不敬

注曰賑宜社之內也劉子曰吾聞之民受天地之中以生所謂

命也是以有動作禮義威儀之則以定命也能者養之以福不

能敗以取禍是故君子勤禮小人盡力勤禮莫如致敬盡力莫

如敦篤敬在養神篤在守業國之大事在祀與戎祀有執燹戎

有受厥神之天節也今成子惰棄其命矣其不反乎注曰燹祭

成肅公卒于取張本也疏曰敬在養神百官事神必敬也篤在

守業則民若業必篤也燹版俱祭未受而執之燹言執燹言受

蓋互文。愚按：民受天地之中，以下四句與中庸天命之謂性，飾相表裏。動作問內禮義外威儀皆本此。中字生出義絕精粹。朱子嘗稱容坎士大夫學有原本類如此。學者以中庸傳注深體味之，便可見而疏家不明其義，徒謂人受天地中和之氣以生，所謂命也。此雖襲中庸中和而為言，然自此等論出，則學者將舍理而言氣，充其極不過致和守一，如道家所謂三住之說耳。其于聖人盡性至命之學，不將毫釐千里之差乎？求道者盍慎而考之。

宣公十一年，楚子敗晉師

于邲，潘黨曰：君盍築武軍而收晉尸，以為京觀。

觀去聲。武軍，築軍營以彰武功也。

功也。積尸封土，其上謂之京觀。楚子曰：古者明王伐不敬，取其鯨鯢而封之，以

為大戮。于是乎有京觀，以懲淫慝。

鯨鯢，大魚，喻不義之人。吞食小國也。戮之言辱。即懲淫慝之意。

也。今罪無所而民皆盡忠，以死君命，又可以為京觀乎？祀于

河，作先君宮，告成事而退。

注曰：不從其築，傳言楚莊有禮也。曰：非為先君作宮，蓋為邊主作宮，以

祀之而告

職功也。

大故祭禮

此國有寇亂若喪敗之大故而祭群神之禮也冠

以安之小祝有寇戎之事且保郊社于祀况蕩搖我邊疆宗

社或災焉不保而得不得有以奠而安之乎此真神人同體歿

存相通之至意初非若後世修葺無術閉戶齋誦之所為也

周禮不言喪亂之屬而以大故約之者變出非常厚及廟

社尤在災荒與札喪之外故隱之以示不敢斥言之意耳解

家不審此凡于大故各條注釋外今其祭禮闕而經義益

不明于天下矣故茲謹記周禮大故祭

禮各條而為辨發其意于左學者詳之

〔記〕周禮大宗伯國有大故旅上帝及四望見肆師國有大故令

國人祭謂國有寇亂若喪敗之大故而肆師令國人于凡所嘗

祭禱者祭之也舊注于大司徒職之大故謂王崩及寇

兵也于大宗伯職之大故則謂天災也于此肆師職之大故則

更謂水旱凶荒也于大祝之大故則謂兵寇也其餘說亦非

一按王崩即大喪也大僕大祝職皆直言大喪始崩小宗伯職

又直言王崩初不諱王崩為大故則大故不得以王崩釋之况

大司徒虎賁氏各職大故與大喪通言之大祝職又大故與天

裁通言之更如何卒合為一乎都宗人並言有寇戎之事及國

有大故則因寇戎而致喪敗之大故又非但有寇戎而即為大故也舊不明此而各職之義胥失矣故今備考而正之

祝國有大故天裁彌祀社稷禱祠彌猶徧也徧祠社小祝有寇

戎之事保郊祀于社寇戎之事與大故相因保郊祀社猶都宗人保遠令禱也但事有重輕故禮有大小

耳都宗人有寇戎之事保群神之壇國有大故令禱祠既祭反

命于國反命于國者家與國一體也家宗人國有大故令禱祀反命都家一行

文但祝大祝之祀禮則不徧耳

凡國故祭禮國故自大及小雜出不倫未易卒舉也凡禮文未見當以義起之下凡災異未見者放此

日食禱禮此以下凡天地人災異之屬多有祭禮其禮皆闕而傳記亦多記于凶禮喪荒弔禱恤之五者今各

將所未見者補記于左學者互觀之可也

記左傳昭公十七年六月甲戌朔日有食之祝史請所用幣昭

子曰日有食之天子不舉伐鼓于社諸侯用幣于社伐鼓于朝

禮也注曰禮正陽之月日食常用幣于社故禮云天子不舉去禮也盛饌也伐鼓于社責群陰也諸侯用幣于社請上也也伐

鼓于朝以自責也疏曰月建子為一陽之始月建巳六陽並盛是為純陽之且故夏四月為正陽之月月建午為一陰之始月

建亥六陰並盛是為純坤之卦故夏十月為正陰之月正陽之月日食當川幣于社故祝史依禮請用之也平子禦

之曰止也惟正月朔慝未作日有食之于是乎有伐鼓用幣禮

也其餘則否注曰禁止也疏總見下太史曰在此月也日過分而未至三

辰有災于是百官降物君不舉避移時樂奏鼓祝用幣史用辭

當夏四月是謂孟夏也注曰周六月于夏為四月正陽用事謂之正月而陰已侵陽其災重故有伐鼓

用幣之禮季平子以六月為非正月故太史告以在此月也分春分至夏至二辰日月星也降物謂素服避移時謂避正寢過

其時也用辭亦以自責也疏曰郊特牲云社所以神地之道也祭土而主陰氣也則是社為羣陰所聚傳云封為上公祀為貴

神祀禮五祀是尊是奉則是社為上公之神天子之尊無所不
 責故責於陰諸侯非天子比故惟自責而請上公也平子語雖
 得禮而以正月為歲首之月故云其餘則否大史辨之因引夏
 書以證也樂謂樂人即藝矇也奏進也書傳樂官進鼓是也周
 禮大僕云凡軍旅田役贊王鼓救日月食亦如之則日食王親鼓而官司鑿其餘也平子弗從太史退曰
 夫子將有異志不君君矣疏曰陰侵陽臣侵君之象救日食所以尊君抑臣也平子不肯救日不以君事其君也愚按日食莊公二十五年六月及文公十五年六月及此年六月凡有三傳文公十五年六月傳與此相發已錄
 年六月傳異義

星變禱禮見上

記左傳昭公十五年冬有星孛于大辰西及漢鄭裨龜言于子

產曰宋衛陳鄭將同日火我用璿罕玉璿鄭必不火于產弗與

注曰夏之八月辰星見在天漢西今孛星出辰西而光芒東及天漢也璿罕玉也欲以禱火疏曰冬星孛經傳皆無其月周

正之冬以十月為初故以夏正之八月解之也月令仲秋之月日在角大辰是房心尾諸星在角星之北八月之昏角星與日俱沒大辰見于西方其時天漢在箕斗間辰見其西今孛星又出于大辰西而其星東指光若屏辰星而東及天漢也周禮典瑞裸圭有瓚鄭司農云于圭頭為器挹鬯以裸國語謂之鬯瓚考工記玉人裸圭尺有二尺有瓚以祀廟鄭玄云瓚如槃用圭為柄有流前注鄭元詩箋云瓚狀圭為柄黃金為勺青金為外朱中央其祭裸之器也御龍欲用三物以禴火子產以天災非廢所息故

不與也 十八年夏五月火始昏見丙子風梓慎曰是謂融風火之始也七日其火作乎戊寅風甚壬午大甚宋衛陳鄭皆火

梓慎登大庭氏之庫以望之曰宋衛陳鄭也數日皆來告火

風曰融風融風木也木火母故曰火之始從丙子至于壬午凡七日壬午水火合之日故知火作大庭氏古國名在魯城內魯于其處作庫疏曰融風是東北風自丙子至于壬午風不迴而益盛傳主言魯國之風四國亦當然大庭氏古帝國名舊說皆云炎帝號神農氏一號大庭氏鄭玄謂大庭在軒轅之前亦以大庭為炎帝也古之大庭其虛在魯城外魯于其處作庫而其地高

顯故梓慎登以望之梓慎望天氣耳非能望見火也而何休
乃難云宋衛陳鄭去魯遠登高見火豈實事乎說亦妄矣

龜曰不用吾言又將火鄭人請用之子產不可子太叔曰妾以

保民也若有火國幾亡可以救亡子何愛焉子產曰天道遠人

道邇非所及也何以知之龜焉知天道是亦多言矣豈不惑信

遂不與亦不復火注曰傳言天道難明雖神龜猶不足以盡知

之愚按非所及也二句連文承天道而言言

天道遠非見所及其何前知龜亦幸而驗耳龜言天道取乎數

僞言人道定以理理固本數則末也然驚示而忘本則非由本

以推未則善矣故曰聖二十六年十二月齊有彗星齊侯使禱

人之道合內外兼本末之其當齊晏子曰無益也天道不諂不貳其命若之何禱之且

天之有彗也以除穢也若無穢德又何禱焉德之穢禱之何損

詩曰惟此文王小心翼翼昭事上帝聿懷多福厥德不回以受

方國君無違德方國將至何患于彗詩曰我無所盥夏后及商
用亂之故民卒流亡若德回亂民將流亡祝史之為無能補也
損滅也事惟回邪也詩大雅大明之篇及逸詩也卒盥也言我無
盥于前乎其亡皆以亂也公說乃止上星變之祭所引二條皆不祭者非必
盡廢其禮亦見本重而未其輕也

山崩禱禮

川竭禱禮上日星之屬為天之變異此山川之屬為地之變異其禮並闕記見弔禮學者亦當互觀之

凡天地變異祭禮說見凡國故祭禮

記周禮小宗伯大赦及執事禱祠于上下神示大赦不言事况天地大赦皆是

也小祝但言天裁亦約詞耳國有禍裁之禱祠肆儀為位肆儀之時為之位也大祝天

裁彌祀社稷禱祠義見前記大祝職師巫國有大赦則帥巫而造巫恒

造巫恒未詳杜氏云帥巫官之屬會聚常處以待命也注云巫恒謂世業之巫造之當案視所為也 **女巫凡邦之**

大裁歌哭而請 歌哭者冀以悲哀感神靈也疏曰憂愁之歌若雲漢之詩是也

旱災禱禮 已上天地日月星山川之屬皆變異之禮以下旱潦水火之屬乃災傷之禮但異無害曰變異有害則

日災傷禮亦皆闕記多見弔禮今錄經傳言祭水旱者于左餘以類推之

記周禮司巫若國有大旱則帥巫而舞雩 雩旱祭也王于上帝侯于上公帥謂帥女

巫以下魯僖欲焚巫冠以其不得雨也 **女巫旱暵則舞雩** 使女巫巫崇陰也 **舞師教皇舞而**

舞旱暵之事 皇舞五采羽為之

考詩雲漢倬彼雲漢昭回于天王曰於乎何辜今之人天降喪

亂餼饋薦臻靡神不舉靡愛斯牲圭璧既卒寧莫我聽 賦也雲漢天河

也昭光回轉也薦重也靡神不舉所謂國有凶荒則祭鬼神而祭之也圭璧禮神之玉也○舊說以為宜王承厲王之烈內有

撥亂之志，側身修行，故仍叔作此詩以美之。述王瞻雲漢而其望于天之詞如此也。旱既太甚，烝隆靡盬，不殄禋祀，自郊徂宮，上下奠瘗，靡神不宗，后稷不克，上帝不臨，耗斁下土，寧丁我躬。
賦也，烝，蒸，隆，盛也。蟲，蟲，熱氣也。殄，絕也。亦祀天地宮祭宗廟上祭天下祭地。莫其禮，瘞其物也。宗，尊也。稷，以親言。帝以尊言。克，能。臨，享也。苟，不。享，祭則不能救旱。分言之者，互文也。致，敗了。當也。何以當我之身而有是災也。或曰，與其害下土，寧害我身也。此又述其悵訝于天之詞如此也。

水災禱禮 說見上

記左傳莊二十五年秋大水，鼓用牲于社于門，非常也。凡天災有幣無牲，非日月之眚不鼓。
傳謂日月食也。

火災禱禮 說見旱災禱禮，其是變火將作禱，竈請禱，已見星變條，亦互觀可也。

凡天地災傷禱禮 說亦見凡國故祭禮。

夏兆祭禮

此因夏祭禱之禮禮開始記畧于左若周禮占
夏季冬舍萌贈夏則群小祀以時舉與此異耳

〔記家語〕孔子厄于陳蔡七日不食子貢犯圍而出告繆于野令

仲由及顏回炊之子召回曰噲昔予夢見先人豈或啟佑我哉

子進飯吾將薦焉對曰向有埃墨墮飯中存之則不潔棄之則

可惜回即食之不可薦也埃墨謂黑塵也國語嬖姬以君命命申生曰

今夕君夢見齊姜必速祠申生乃祭于曲沃歸福于絳嬖姬晉獻公嬖

妾齊姜申生母也絳晉都福胙肉獻公命世子守曲沃故命之

祭也按二條一則仲由疑回之變節竊飯而子因命之進飯

祭先以駘之一則獻公縱姬之專寵奪嫡而姬因俟其歸胙置
毒以陷之其祭皆有為為之也然即此而凡因夢以致祭者固
可見于此矣

疾病禱禮

此疾病禱祀之禮亦
闕今記經傳于左

記士喪記乃行禱于五祀見養疾禮

考論語子疾病子路請禱子曰有諸對曰有之誅曰禱爾于上

下神祇子曰丘之禱久矣誅力軌反○禱謂禱于鬼神有諸問有此理否誅者哀死而述其行之詞

也上謂天下謂地天曰神地曰祇禱者悔過遷善以祈神之佑也無其理則不必禱既曰有之則聖人未嘗有過無善可遷其

素行固已合于神明故曰丘之禱久矣又士喪禮疾病行禱五祀蓋說子進切之至情有不能自己者初不請于病者而後禱

也故孔子之于子路不直拒之而但告以無所事禱之意左傳哀公六年楚昭王有疾卜曰

河為祟大夫請祭諸郊王曰三代命祀祭不過望江漢睢漳楚

之望也不殺雖不德河非所獲罪也遂弗祭為厲曰祟命祀謂王命侯國所當祀

也諸侯望祀境內山川江漢睢漳四水皆楚界傳言昭王之知禮也昭公元年晉侯有疾鄭伯使

公孫如晉聘且問疾叔向問焉曰寡君疾卜曰實沈臺駘為祟

敢問何神也才反子產曰昔高辛氏有二子伯曰閼伯季曰實

沈居于曠林不相能也日尋干戈以相征討后帝不臧遷閼伯

于商丘主辰商人是因故辰為商星遷實沈于大夏唐人是因

以服事夏商其季世曰唐叔虞當武王邑姜震夢帝曰余命而

子曰虞將與之唐屬諸參而蕃育其子孫及生有文在其手曰

虞遂以命之及成王滅唐而封大叔焉故參為晉星由是觀之

則實沈參神也闕于為反參所林反○高辛氏帝嚳也曠林地

也商丘宋地湯之先相土封商丘因閼伯故國祀辰星殷本紀

稱相土為契孫傳稱閼伯居商丘祀大火相土因之是也辰即

大火星大夏今晉陽縣唐人若劉累之屬但未詳其嫡派所在

按傳云商唐氏既襄其後有劉累劉炫云累事孔甲遷于魯縣

今此居于大夏唐人是因服事夏商終商不滅蓋非累之子孫

是其同族等類耳服虔以唐人即是劉累非也唐人之季世其

君曰叔虞帝命邑姜之子曰虞者將以唐國與之故取唐君之名以爲名邑姜武王后齊太公之女大叔成王之母弟叔虞也
震本作姪說文云姪者女妊身動也從女辰聲懷胎爲震取動義今字從女耳
虞母憂也晉世家云初武王與叔虞母會夏天謂曰余命女生子名虞蓋謂武王夢也按此云邑姜方震而夢蓋是邑姜夢矣
薄姬夢龍據其心燕姑夢蘭爲已子殆其類也唐又云晉者按史記叔虞封唐侯叔虞之子燮父改爲晉侯
昔金天氏有裔子曰昧爲玄冥

師生允格臺駘臺駘能業其官宣汾洮障大澤以處大原帝用

舜之封諸汾川沈姒蓀黃實守其祀今晉主汾而滅之矣由是

觀之則臺駘汾神也金天氏帝少皞也遠孫曰裔玄冥水官師爲之長也傳云少皞氏有四叔修及熙爲

玄冥昧當是其後業者蓀昧之業宣猶通也汾洮二水各釋例云汾水出大原汾陽縣至河東汾陰縣入河洮水闕大原卽晉陽帝謂顓頊也抑此二者不及君身山川之神則水旱癘疫之

災于是乎祭之日月星辰之神則雪霜風雨之不時于是乎祭

之若君身則亦出入飲食哀樂之事也山川星辰之神又何為

焉禁音詠○禁祈禱之小祭也水旱癘疫在地之火故祭山川之神雪霜風雨天氣所降故祭日月星辰之神此因其所在

分繫之若大旱而雩則編祭天地百神不復別其日月與山川也周禮大祝掌六祈以同鬼神示一日類二日造三日禴四日

禁五日攻六日說鄭眾云禁者日月星辰山川之祭名又何為焉者言實沈壺胎不為君疾也家語孔子云飲食不疎逸勞過

度者疾共殺之出入即逸勞也按全文此下言朝以聽政晝以訪問即是出夕以修令夜以安身即是入其言所以致疾者切

矣詳見左傳襄公十年宋公卒晉侯于楚丘請以桑林荀偃辭注曰桑林

殷天子之樂名辭讓也疏曰商初大旱湯禱于桑林之社而雨大至遂以桑林名其樂皇甫謐以桑林為大濩別名無文可考

未知荀偃士句曰諸侯宋魯于是觀禮魯有禘樂賓祭用之宋

以桑林享君不亦可乎宋以王者後魯以周公大黜故皆用天子禮樂而諸侯亦宋魯觀禮也禘祭周

公作四代之樂別祭羣公則用諸侯樂疏曰按明堂位季夏六月以禘禮祀周公于太廟朱干玉戚冕而舞大武皮弁素積襦

而舞大夏彼禘祭唯用大武大夏初不言韶濩知四代之樂者以魯為季札舞四代之樂明堂位亦云凡四代之服器魯皆用之故也禘是禮之大而賓得同禘者按大司樂大祭祀王出入奏王夏尸出入奏肆夏牲出入奏昭夏大饗不入牲其他如祭祀是大饗但不入牲不奏昭夏其王出入賓出入亦奏王夏肆夏也又禮記祭統大嘗禘升歌清廟下管象仲尼燕居兩君相見樂亦如之是祭與賓用樂同也但賓禮輕于疏魯享賓同禘其失已久遂以為讀而荀偃士句謬以詔君則甚矣舞師

超以旌夏晉侯懼而退入于房去旌卒享而還及著雍疾卜桑

林見荀偃士句欲奔請禱焉荀偃不可曰我辭禮矣彼則以之

猶有鬼神于彼加之晉侯有聞師樂師也題識也旌夏大旌也謂舞將入樂師以大旌表識其

行列也著雍晉地也旌夏非常禮晉侯卒見驚懼雖勉終享禮而歸遂得疾也見謂祟見于上兆以用也言我辭而彼用之耳

有罪當加罪于宋也間疾差也此昭公二十年齊侯疥遂疢期

傳言荀偃之知禮而二子為妾也昭公二十年齊侯疥遂疢期而不瘳諸侯之賓問疾者多在疏曰疥字當作疹二日一發瘳也疢瘳也齊侯初二日一發瘳

瘧後遺類日發故曰疥遂病以此期年不差故問疾者多在齊也若字作疥說文云疥搔也疥搔小患與瘧不類何云疥遂疢乎徐仙民作疥先儒舊說皆為疥今定本亦作疥誤也愚按方書云瘧有一日二日至十日瘧二日瘧日瘧多日瘧日瘧其

說較明 梁丘據與裔款言于公曰吾事鬼神豐于先君有加矣今

君疾病為諸侯憂是祝史之罪也諸侯不知其謂我不敬君者

誅于祝固史闕以辭劉固固史祝名狄殺之以辭謝問疾之責也服虔謂誅祝史之闕固陋者非

按莊三十二年神降于莘號公使祝應宗區史闕享焉彼祝宗史並官名應區闕並人名則此亦人名也公說告晏

子晏子曰日宋之盟屈建問范會之德于趙武趙武曰夫子之

家事治言于晉國竭情無私其祝史祭祀陳信不愧其家事無

猜其祝史不祈建以語康王康王曰神人無怨宜夫子之光輔

五君以為諸侯主也屈建即楚子木范會即晉士會祭祀謂國祀猶疑懼也家無術疑之事故祝史無求

于鬼神康王楚王五公曰據與款謂寡人能事鬼神故欲誅于君謂文襄成景也

祝史子稱是語何故對曰若有德之君外內不廢上下無怨動

無違事其祝史薦信無愧心矣是以鬼神用饗國受其福祝史

與焉其所以蕃祉老壽者為信君使也其言忠信于鬼神外內不廢

言官府理上下無怨言臣民相其適遇淫君外內頗邪上下怨疾動作僻違縱

欲裂私高壅深池撞鐘舞女斬刈民力輸掠其聚以成其違不

恤後人暴虐淫縱肆行非度無所還忌不思謗讟不憚鬼神神

怒民瘠無悛于心其祝史薦信是言罪也其蓋失數美是矯誣

也進退無辭則虛以求媚是以鬼神不饗其國以禍之祝史與

焉所以天昏孤疾者為暴君使也其言僭慢于鬼神輪之音也猶毀也

奪聚積也違悖也還猶顧也悛改也蓋掩
數稱也昏迷孤苦也借不信也嫚欺也
公曰然則若之何對

曰不可為也山林之木衡鹿守之澤之萑蒲舟鮫守之藪之薪

蒸虞候守之海之鹽蜃祈望守之縣鄙之人入從其政偏介之

闕暴征其私承嗣大夫強易其賄布常無藝徵斂無度宮室日

更淫樂不違內寵之妾肆奪于市外寵之臣僭令于鄙私欲養

求不給則應民人苦病夫婦皆詛祝有益也詛亦有損聊擬以

東姑尤以西其為人也多矣雖其善祝豈能勝億兆人之詛君

若欲誅于祝史則修德而後可
崔音九屬市軫反○不可為言
非誅祝史所能治也衡鹿舟鮫

虞侯祈望皆官名周禮司徒之屬林衡之官掌巡林麓之禁鮫
大魚名澤中故以舟鮫為名周禮山澤之官皆名為虞虞度也

候望也故以虞侯為名海是水之大神有所祈則望祭之因以
祈望為名此皆齊自直名故與周禮不同政役也僭近介輔也

言達郊之人無役而入從近輔之闕無稅而暴征也。冠易猶言橫取布幣而政也。慈制也。偕合詐為教令也。養之言是猶遠也。言私有所欲遂其所求。凡有不足皆勒民應之也。聊攝齊西界地。今平原聊城縣東北有攝城。始尤齊東界水。今始水尤水皆在城陽郡東南入海。公說使有司寬政。毀闕去禁。薄斂已責。亦萬馬曰。億萬億曰兆。

二月齊侯田于沛。

責債同。已除也。五者皆修德之。沛流澤名。疾愈行。獵應天以實不以文之驗。亦可見矣。

喪葬祭禮。

按士喪。惟一切奠死與奠祖諸儀。見于經。其因喪若葬而祭。皆于群神者。則但載其禮。而其儀蓋不可考矣。今姑標記于左。并採周禮以補未備。惟達禮者詳之。

記周禮甸師大喪代王受戒。青大祝大喪言甸人讀麻。

以下義詳王喪。

小祝大喪設道。濟之奠。分禱五祀。

見上。少宗伯大喪甫禘。遂祭之。

家人為之尸。祭墓則為位。家人為之尸。

見上。

凡事物變異禱禮。

按事物變異。難以臆列。而其因有禱祀之禮者。蓋亦多不可考矣。今姑記其一。二。三。

見于傳記者于左
學者當以類推之

〔記〕國語夏之衰也褒人之神化為二龍以伺于王庭而言曰余

褒之二神也夏后卜殺之與去之與止之莫吉卜請其禲而藏

之吉

褒人謂褒君伺一作同止告也龍沫曰祭精氣之所吐也

乃布幣焉而策告之龍止而

禲在櫝而藏之傳郊之

布陳也幣玉帛也策告者陳其玉帛以書告請其禲也櫝櫃也傳郊傳祭于郊

也 惠王十五年有神降于莘王問于內史過曰是何故固有之

乎

惠王十五年為魯莊公二十二年降下也自上而下有象以接神也莘號地內史過周大夫名固猶管也

對曰有

之國之將興其君齊明衷正精潔惠和其德足以昭其馨香其

惠足以同其民人神饗而民聽民神無怨故明神降之觀其政

德而均布福焉國之將亡其君貪冒僻邪淫佚荒怠廢祿暴虐

其攻腥厥馨香不登其刑矯誣百姓攜貳明神弗靈而民有違

志民神怨痛無所依懷故神亦往焉觀其苛慝而降之禍是以

或見神以興亦或以亡衷中惠順也昭宣也同猶合也聽順也

曰黍稷非馨明德惟馨矯詐誣罔也蠲潔也違志欲叛也懷歸也苛煩也慝惡也昔夏之興也祝融降

于崇山其亡也回祿信子聆遂商之興也檮杌次于丕山其亡

也夷羊在牧周之興也鸞鷲鳴于岐山其衰也杜伯射王于郊

是皆明神之志者也祝融回祿皆大神崇山山名近陽城聆遂地名再宿為信過信為次檮杌惡獸各一

謂鮮也大邠山在河東夷羊神獸牧謂商郊牧野鸞鷲鳳別各詩云鳳皇鳴矣于彼高岡鄒謂鄒京杜國伯爵陶唐氏之後也

宣王殺杜伯而不辜後三年宣王會諸侯田于圃日中杜伯起于道左衣朱衣冠操朱弓矢射宣王中心脊而死志記也謂鄒

錄在王曰今是何神也對曰昔昭王娶于房曰房后實有死德

丹朱馮身以儀之生穆王焉實臨周之子孫而禍福之夫神靈

不遠遷徙由是觀之其丹朱之神乎昭王周康王之子取也房國各爽差也丹朱帝堯之

子馮依儀匹也詩云實惟我儀言房后德不貞豈而有丹朱之神乃依其身匹偶之也王曰誰受對曰在

號工王曰何為對曰臣聞之道而得神是謂逢福淫而得神是

謂貪禍今號少荒其亡乎工未詳或曰工猶主也言神在號號其受之也逢迎也貪猶求也王

曰吾其若之何對曰使太宰以祝史帥狸姓奉犧牲案盛玉帛

往獻焉無有所也太宰掌祭祀之式玉幣之事大祝掌祈福辨太史掌次主位狸姓丹朱之後神不款非類

故帥以往所求也勿有求請禮之而已相通解曰按左氏傳對曰以其物享之其至之日亦其物也彼注云若以甲乙日至祭

先脾玉用倉服上王使太宰忌父帥傅氏及祝史奉犧牲玉鬯

往獻焉內史過從至號號公亦使祝史請事焉內史過歸告王

曰號不禋于神而求福其亡矣

史不掌祭祀王以其賢使從之

祝史謂號之祝應史既請事求福也精意以享曰禋○按左氏多失之証况衰化若莘降又其甚焉者乎然馮降雖近幻而所稱國之興亡由政之善穢神之往來由德之邪正此乃正心修身以齊均乎家國天下之實理龍賅既藏其後歷厥箕服之讓與而傳烽透國之變作學者鑒此亦可以知禋祥妖尊福禍將至之本矣

凡享祀祭

祭先燧禮以上皆因事而祭此則又為因祭而祭祭先炊禮也祭亦事也故皆為因事之祭矣按周

禮及禮記先燧先炊不同然皆為火以祭恐亦一時而通祭之今不敢率分為二禮謹並標如右而記考其文于左禮文既闕學者更詳之可也

記周禮凡祭祀則祭燧

燧音貫○注曰祭燧者報其為明之功也禮如祭燧疏曰祭燧祭老婦也此祭

燧則祭先出火之人也

考禮記禮器孔子曰臧文仲安知禮燔柴于典

文仲魯公子臧孫會孫臧孫辰

也與當為爨或作甗疏曰禮祭配尸食竟而祭爨神言其有功
于人故祭報之夏父弗恭為禮官謂爨神是火神而遂爨柴祭
之此是失禮而文仲不諫止之故云安知禮也云與當為爨者
夏祭甗神于與以老婦配之其禮大廟祭畢但祭老婦于其
禮小按中霜禮祭甗先薦于與有主有尸用特牲迎尸以下
如祭宗廟之禮是其事大按特牲禮宗廟祭配尸卒食而祭老
婦于倍爨注云宗婦祭館爨享者祭爨爨用黍肉而已無簋豆
俎是其事小此下云夫與者老婦之祭也盛于盆尊于瓶故知
與當為爨也夫與者老婦之祭也盛于盆尊于瓶老婦先炊也盆瓶
非祭火神而
燔柴失之也

鄉射祭侯禮

大射祭侯禮

以上並見鄉射大射禮今更採周禮及
考工記補記如左舉者互參之可也

記周禮射人王大射祭侯則為位為其位考工記梓人祭侯之

禮以酒脯醢約詞也蓋亦
有折俎矣其辭曰惟若寧侯毋或若女不寧侯

不屬于王所故抗而射汝

若猶加也寧安也謂先有功德為神者也女猶爾也不屬謂不朝會也

侯有功不寧侯有罪舉功以勸又舉罪以警也

強飲強食詔女曾孫諸侯百福

強其大反○詔

遺也曾孫諸侯注謂其後世為諸侯者其詞當亦為王大射之祭詞而餘皆不可考矣

類祭之事五之五

按下列諸祭禮續通解皆列于因事之祭今考致幣禮玉凡一切獻贈之屬皆得名為

祭者散文通也若諸祭禮類于祭而不得以祭名者其途判也通按舉之為義凡有三凡舉廟壇庫廡之屬當是祓除不祥之義而舉鼓鐘兵器之屬則是彌縫罅隙使完固之義至若舉玉及龜策寶器之屬則又取其澤護養精靈之義耳是皆與祭不相干但述彼相類而已故介別而列之

士舉宗廟禮

見下

大夫舉宗廟禮

見下

諸侯舉宗廟禮

此及後遷廟禮乃喪畢將奉新主遷廟既成廟而舉之因以遷之之禮也自王達于士皆

有其禮今皆闕矣獨諸侯遷廟遷廟禮今並見大戴禮而此
 舞廟禮并見小戴雜記今按高升為經○按舞廟穀梁傳作
 壞廟蓋取舊廟易櫓改塗而舞以新之也但新廟遷主合在
 終喪而穀梁氏乃謂于練者蓋疑耐時即遷廟而又以殷練
 而耐孔子善之故臆言之而不自知其失與夫周卒哭而耐
 殷練而耐則異而其耐後主復歸寢至服除乃遷主于新廟
 則同所以然者未葬居倚廬寢苦枕塊既虞剪屏柱楹皆有
 席既練舍外寢既祥黜聖禱而從御吉祭而復寢一切服食
 皆以漸而差則以主在殯宮不忍遽遺棄故也若未終喪新
 廟恐主則一切喪禮皆虛矣卒哭行之固非即練亦何善乎
 夫所以未遷廟先耐者亦朝祖之義且示漸去殯而廟去自
 而言而不敢驟焉故也孔子善殷之意亦以此而傳者顧輕
 為之說以失先聖
 人之意也可乎哉

成厲變之以卒席新成而變者尊而神之也猶祭器各者成則變之以殺也君立服立于寢門

內南向祝宗人宰夫雍人皆立服宗人曰請令以饗某厲君曰諾

遂入雍人拭傘乃行進喪同○入者入寢庭以待行也拭帳也將饗先拭之也入廟門碑南北

面東上雍人舉羊升屋自中中屋南面剖羊血流于前乃降東江者蓋

宰夫為攝主也以雞記之可見

右對正廟

門以雞有司當門北面雍人割雞屋下當門門及郊室亦廟也別以雞者大小各有差

禮必稱也郊室割雞于室中有司亦北面也郊室謂門郊之室或曰東西廂也亦北面未詳舊謂

數東西廂之室猶北面者統于廟也今按雜記云門郊室皆用雞先門而後郊室其餌皆于屋下門當門郊室中室有司皆向室而

立門則有司當門北面據此則舉門文雖異而義亦同至毀郊室云室則向室而立則其所云有司亦北面者殆就其室中之北面

言之與若訓云毀東西廂之室猶北面者統于廟也則是割雞于東西之夾室而有司乃北面正廟而立與雜記向室而立者全違

天割雞不言與文畧也

右毀門郊室

禮記卷之四十一 禮記卷之四十一 禮記卷之四十一

既事宗人告事畢

此告事畢告攝主也

皆退反命于君君寢門中南向宗人

曰饗其廟事畢君曰諾

此乃告事畢于君也

宗人請就宴君揖之乃退

宴息也

右事畢

王饗宗廟禮

見上

凡饗五祀禮

按五祀據月令戶竈中霤門行五者亦宮室也而據左傳則木火土金水五行之五官而為壇

壝矣然其當饗則同自王下達蓋各有禮不可考今將周禮約記于後

凡饗內外壇

禮按土侯大夫士凡宗廟皆以享人鬼也其饗禮雖闕今猶有諸侯禮可考若壇壝則

內而夫廟為壇夫壇為墀及外而天地社稷日月星辰山川澤四方百物之屬凡其所為享人鬼祀天神祭地示者皆不勝屈而其禮今蓋皆闕不可考矣顧其稍見于經者惟社稷五祀之屬今姑採記于左學者亦以饗廟禮推考禮意而因例其餘可也或曰周禮不見饗天地以下壇兆之文而惟大司馬小祝及左傳言後社饗器為可徵其小子等職珥

祈乃後鄭破文奉訓未可盡信也其說近是如存之

記周禮小子掌珥于社稷祈于五祀珥而志反祈音機○注曰鄭司農云珥于社稷以牲

頭祭也玄謂珥讀為餌祈或為創創餌者異禮也毛牲曰創羽牲曰餌社稷創五祀謂始成宮兆時也秋官士師職凡創珥則奉犬牲此創餌正字與疏曰先鄭云珥以牲頭祭者以漢時祈禱有牲頭祭也後鄭不從者按雜記祭廟之禮門夾室用雞其餌皆于屋下餌既為祭禮此創與餌連文則創亦是異禮何得為牲頭祭乎謂珥讀為餌祈或為創者以珥法無取于玉珥及祈禱之義故依士師創餌為正也云毛牲曰創羽牲曰餌者此相對而言雜記廟用羊門用雞皆云餌者散文通也知創餌是始成其宮兆時者凡物須釁者皆始成之時雜記云廟成則費之是也云秋官士師職創珥為創餌正字者創從刀餌從血于義合也愚按注疏其辯但考羊人職云凡祈珥其其羊牲又云凡沈辜侯陳釁魚其其羊牲祈珥與釁皆各為一義則改珥為餌而亦以為釁其于下文費積之字洵難通豈祈珥指壇墀而釁積則之言與學者無以後鄭義橫于胸而遂輕據以為定庶禮典可徐考也

大司馬大師帥執事涖釁主

注曰大師王出征伐也涖臨也主謂遷廟之主

及社主凡師既受甲迎主于廟

社殺牲以血塗之謂之彘主

注曰師出先被禱于社謂之

宜社于是殺牲以血塗之

○羊人凡祈珥釁積其其羊牲

鄭讀為漬謂取血塗器而漬之也後鄭讀為想積之積謂積柴

實牲而燎之也二說未詳孰是疑先鄭讀為漬者近之若後鄭

想積之義則掌牲諸職何皆不言而獨羊人職言之乎或曰上

文實各共其法羊謂饗食之羊此謂積問之羊牛人職共其非

禮積膳之士師凡刳珥其犬牲注曰珥讀為珥

牛是也大人凡幾珥沈

率用駢縣祭川曰浮沈大宗伯職云以狸沈祭山川林澤以騂

率祭四方百物騂謂不純色也玄謂幾讀為刳珥當為珥刳

皆贊禮也說曰幾珥言凡則宗廟社稷凡壇廟新成者皆累之

也沈謂浮沈牲體以祭率謂醢醢牲體以祭駢謂雜色牲牧人

云殺事用駢是也用純為正用駢亦可故云可也先鄭引爾雅

讀幾為駢後鄭不從其引大宗伯證沈率則于

義是也注讀幾為刳從士師讀珥為珥從雜記

雞人凡釁其其

雞牲注曰釁謂釁廟之屬也釁廟以羊門夾室皆以雞疏曰云

釁謂釁廟之屬者釁鼓釁甲兵皆在其中釁廟以羊以下

文神記 ○小祝大師掌舞祈祝號舞通謂舞王及軍器之屬以大

而言舊謂舞止為舞鼓祝號止為祈之祝號者非

○白羊人以下五職多上下通用餘義見羊人

凡舞庫廡禮宗廟為先廡庫次之故舞之也

司約若有訟者則珥而辟藏注曰尊馬茲也馬既出而除之新舞

也珥讀為餌謂殺雞取血繫其戶疏曰訟謂爭約劑不決者珥

而辟藏者先以血塗戶乃開闢其戶以出約劑之書勸之也先

鄭以有訟為爭訟刑書及以珥為祭後鄭皆不從者司約惟約

劑之書且珥亦與祭有別也按定元年晉魏舒合諸侯之大夫

于狄泉將城成周宋仲幾不受功曰勝薛邠吾役也薛宰曰宋

為無道絕我小國于周以我適楚故我常從宋晉文為踐土之

盟曰凡我同盟各復舊職若從踐土若從宋亦惟命宋仲幾曰

踐土固然土彌牟曰子姑受功吾視諸故府仲幾曰纒子而

凡樂器物禮樂者即所謂其名者成而樂之之意也禮闕今採傳記各條如左

記周禮小子彝邦器及軍器注曰邦器謂禮樂器及祭器之屬雜記凡宗廟之器其名者成則樂

之以豕豚疏曰軍器別言即邦器者是禮樂之器也禮器即射若投壺之屬樂器即鐘鼓之屬祭器即籩豆俎簋尊彝之屬引

雜記証此等所大司馬大師帥執事泣毀軍器見左傳君以軍

行祓社被社因毀鼓也餘見上文王世子始立學者既樂器用幣然

後釋菜疏曰始立學者謂天子命諸侯始立學也禮樂之器期成毀既畢乃用幣釋菜先用幣告其器成後釋菜告其

將用也周禮天府上春辨寶鎮及寶器注曰上春孟春也疏曰

鎮寶器皆謂珍寶也末球為器曰寶鎮已球為器曰寶器龜人上春辨龜見

史記龜筮占兆審卦吉凶注曰莢審也占兆者龜之繇文周禮龜人上春辨龜謂建寅之月也秦以

其歲首使太史辨龜筮與周禮異矣卦吉凶謂易也疏曰既云卦吉凶明兆亦有吉凶但畧不言也愚按此因辨龜而占兆因

爨筭而審吉凶也舊乃謂非但爨
頌矣又爨此占光之歸文蕭疎矣
雜記宗廟之器其名者成則
爨之以豶豚名者謂尊重
之器豶社也

凡祓除爨浴禮此蓋王侯達于大夫士之通禮今
禮亦不可考矣姑採記周禮如左

記周禮女巫掌歲時祓除爨浴注曰祓除如今三月上巳修禊
按後除爨浴而掌以女巫巫者蓋尋常宮寢祓浴之禮而如注所
稱上巳修禊於井周禮之所指也然書傳固載有曲水流觴以
爲周文公之勝事者豈其時亦實有
此舉而禮文所載不備與學者詳之

因祭之事五之六上云類祭之事者與祭而爲類此
云因祭之事者因祭而有事也

士遷廟禮以下說並見
前祭廟禮

大夫遷廟禮

諸侯遷廟禮

成廟將遷之新廟君前徙三日齊祝宗人及從者皆齊齊齋同從去聲○成

廣謂新廟成也壞舊廟易檐改塗而新之則成矣遷廟之禮有三

諸侯五廟太祖廟居中其兩旁高祖廟與祖廟為一列曾祖廟與

稱廟為一列嗣君將以亡考入廟則禱廟曾祖廟皆不遷但易禱

而稱為祖易會祖而稱為高耳其高廟主則遷于祧廟而稱祧祖

廟主則又遷于高廟而稱曾然後亡考主自

殯宮遷于祖廟而稱禱也三日齊慎之也徙之日從者皆玄服

從至于廟羣臣如朝位君入立于阼階下西向有司如朝位玄服

服也周禮司服職掌王冕服六首裘冕服次裘冕服次鷩冕服次

毳冕服次絺冕服次玄冕服六冕服之下則爵弁服也公之服自

衮冕而下侯伯之服自鷩冕而下子男之服自毳冕而下孤之服

自絺冕而下大夫之服自玄冕而下士之服為爵弁服從者皆玄

服大夫也士服亦玄衣但不冕耳命夫命婦助祭于公皆服其上

服自祭于家皆降一等雖記云大夫冕而祭于公弁而祭于已士

弁而祭于公冠而祭于已特牲饋食禮云主婦纁纁并衣立于房

中是也廣庭宮也各舊廟當遷者禮亦如之群臣如朝位謂列廟

門外如朝門外之位有司凡有事者如朝位謂列于廟門內如朝門內之位也宗人擯舉手曰有司其請

升君升祝奉幣從在左北面

奉上聲○請升但稱有司者不敢斥言君也祝主辭故在左禮將遷出主

在戶牖間南面故北面也

再拜興祝聲三曰孝嗣侯某敢以嘉幣告于皇考某

侯成廡將徙敢告君及祝再拜

言嗣以著代也以幣告重之也

興祝曰請導君降

立于階下奉衣服者皆奉以從祝

但稱奉衣服者不忍斥言主也從祝者祝以導神也言皆者衣

服非一刑周禮守祧職云掌先王先公之廟祫其遺衣服藏焉是也

奉衣服者降堂君及在位者皆

辟也奉衣服者至碑君從有司皆以次從

辟避同

出廟門奉衣服者

升車乃步君升車從者皆就車也

步行也皆就車謂乘試車也

凡出入門及大

溝渠祝下擯

擯猶導也

至于新廟筵于戶牖間尊于西序下脯醢

陳于房中設洗當東榮南北以堂深有司皆先入如朝位

凡祭在室則筵

與中在堂則筵序下皆尊于東方今布牖間南面之席則尊于西因其便也屋西房也

祝導奉衣服者乃入

君從奉衣服降堂君及在位者皆避入廟君不同奉衣服者入門

左在位者皆辟也奉衣服者升堂皆反位門左門西也君從升奠衣服

于席上祝奠幣于几東君北向祝在左升奠奉者奠也贊者盥升適房薦

脯醢君盥酌奠于薦西反位前言筵此言几席席几統于筵互文也君及祝再拜興

祝聲三曰孝嗣侯某敢用嘉幣告于皇考某侯今日吉日可以徙

于新廟敢告再拜已從而入矣言可以徙者告以可從而徙悔之至也君就東廂西面祝就

西廂東面在位者皆反走辟如食間東西廂侯事也祝就西因便也走辟疾趨而避也如食間

也言侯擯者舉手曰請反位君反位祝從在左卿大夫及眾有司詣

在位者皆反位反位反北向之位也祝聲三曰孝嗣侯某潔為而明薦之享

君及祝再拜宗飭言尚饗詩云潔錫為德是用孝享君反位祝徹反位反位君反東廂祝反西廂

也。擯者曰遷廟事畢請就燕也。君出廟門卿大夫有司執事者

皆出事畢乃擇日而祭焉。事謂燕衣服斂幣微几筵之屬祭以安神也。

王遷廟禮。說亦見於廟禮。

凡遷壇壝禮也。此自王以下壇壝所祀之神既易而遷之之禮也。禮闕多不可考。今記考二條而附論于左。

記孟子犧牲既成粢盛既潔祭祀以時然而旱乾水溢則變置

社稷。盛音成。○注曰祭祀不失禮而土穀之神不能為民禦災捍患則毀其壇壝而更置之亦年不順成八蜡不通之意也。

考左傳晉蔡墨曰稷田正也烈山氏之子曰柱自夏以來祀之

周棄亦為稷自商以來祀之。孫奭曰湯以七年之旱故變置社稷也。萬氏質疑曰以棄身柱千古

僅見况棄為周祖又誰敢易故知孟子不據此也。若如趙法燧壇之說則歷稽經傳書水旱者多矣亦不問有毀更社稷之壇

墜者或者水旱之方變其常祭以示滅殺如郊特牲所謂年不
 順成八蜡不通及穀梁所謂大殷有禱無祀之意耳愚按范氏
 之意良善但易主及改壇均不失變置之意若但滅殺其祭即
 不得云變置矣趙注不釋為易主而釋為改壇蓋亦折衷之論
 而宋注所
 以仍之與

諸侯耕籍禮 籍謂籍田也王侯皆親耕以供奉宗廟之典籍
 故名也今諸侯耕籍之禮闕姑採記孟子于左

以存其
 意云

〔記〕孟子諸侯耕助以供粢盛 耕助諸侯耕而
 庶人助終也 祭義諸侯為籍百

畝冕而青紘躬秉耒以事山川社稷先古以為酒酪粢盛 先古
 謂先

祖也與王籍于
 畝見朱絃異也

王耕籍禮 王耕籍之禮亦闕今姑採國語以存經之
 義而錄記其餘于後學者更參之可也

王耕籍之禮先時九日太史告稷曰自今至于初吉陽氣俱烝土

齊其動弗震弗渝脈其滿青穀乃不殖

國語本文無耕籍之禮四字其首有右者太史順時

稟土陽和積盈土氣震發農祥農正日月底于天廟土乃脉發等文謂立春之辰房星中為農事之祥而其月日月皆至于營室也

○時注謂立春之時後謂后稷之官初吉二月朔日也詩云二月初吉丕升也齊潤澤之意震亦動也渝變也言陽氣升土膏發富

即變動其氣不然則脉結氣傷穀乃不生殖也 稷以告王曰史帥陽官以命我司事曰距

今九日土其俱動王其祗祓監農不易

易去聲○史太史陽官謂春官我司事稷自謂也祗

敬祓祓也監猶師也不易言難也書所謂先知稼穡之艱難也俱動以上稷述史告已之詞王其以下稷自告王之詞 王乃

使司徒咸戒公卿百吏庶民司空除壇于籍命農大夫咸戒農用

百吏百官也庶民謂甸師氏所掌之民主耕耨王之籍田者司空掌土之官農大夫田峻也農用謂田器

右告戒

先期五日王立端即齊官百官御事各即其齋

國語本文先期作先時又五日之下

有特告有協風至可按如本文區謂先立春五日齋而立春耕籍也今據月令擇期耕籍定之說詳篇末○期謂所擇之期也即就也其齋亦謂齋室也三日王乃淳濯饗醴淳沃濯漑也饗飲也及期王冕而

朱紘鬱人薦鬯犧人薦醴王裸鬯饗醴乃行百官吏民畢從鬱鬱草以和鬯酒也周禮鬱人掌共王之齋鬯犧人司尊葵也率其共酌與其用灌鬯飲醴皆以白芳潔也

右齋潔

及籓后稷監之膳夫農正陳籍禮太史贊王王敬從之籓察也膳夫掌王之

饋食與其賓祭之禮農正主陳籍禮而祭神以為農祈也贊導也王耕一墾班三之庶人終于千

畝墾場鉢伐二音○一墾注謂一耜之墾也班次也其次司徒省民

大師監之后稷省功大史監之省民使之集省功使之勤也大師大史監之者監民主和監功主嚴

也

右耕爨

反執爵于大寢三公九卿及諸侯大夫皆御焉命之曰勞酒勞去聲

見下

右燕勞

記月令孟春乃以元日祈穀于上帝元之言善謂上辛日之善者郊祭天配以后稷而所

設也乃擇元辰天子親載耒耜措之于參保介之御間帥三公九

卿諸侯大夫躬耕帝籍天子三推三公五推卿諸侯九推反執

爵于大寢三公九卿諸侯大夫皆御命曰勞酒元辰謂郊後之善日稱辰變文

也保鄭讀作祿猶衣也陸讀如字猶護也介甲也君車必以勇士保王衣甲居右而參乘故各參保介也措置也之猶及也王居左御居中參保介居右而耕是則避君而置于參及御之間親載以敬帝而避置其間又以敬君也御侍也耕燕皆有大夫

而推數無大夫者從卿也獨士皆不與者卑故也○按月令與國語所載耕籍之禮凡衍編文自可參互以考其互異難合者國語以立春在郊前月令則擇日在郊後國語王耕一墾班三之注謂其次自一而三而九而二十有七而月令則又謂王三推公五卿諸侯九也今考左傳孟獻子曰啟蟄而郊郊而後耕今既耕而郊宜其不從也據此則從月令為得之其國語班三之乃所謂數各居其上之三分者似視月令為勝或曰一墾三推月令當公五推卿諸侯七推大夫九推為三班而文脫也祭義天子為籍千畝冕而朱紘諸侯為籍百畝冕而青紘躬乘

耒以事天地山川社稷先古以為醴酪粢盛與諸侯百畝及青紘異也周禮

內宰上春詔王后帥六宮之人生穰種之種而獻之于王穰音稂

六○上春謂建寅之月生種謂漬種也

諸侯為籍百畝冕而青紘餘如王耕籍之禮

諸侯夫人躬桑禮

王后躬桑禮后夫人躬桑以為祭服猶王侯耕籍以為祭染也禮亦闕今參周禮祭義文升為經

王后躬桑之禮于國之北郊近川而為之築宮仍有三尺棘牆而

外閉之中春內宰詔后帥外內命婦治蠶及大昕之朝君皮弁素

積卜三宮之夫人世婦之吉者使入蠶于蠶室奉種浴于川桑手

公桑風戾以食之昕音欣○公桑公家之桑蠶室養蠶之宮宮近川者以浴蠶也牆置棘者為遮列也外閉者戶

扇在外閉向內也夫昕謂季春之朔冠皮弁素積敬之也按周

禮后立六宮三夫人九嬪二十七世婦八十一御妻此但言夫人

世婦不言后及九嬪及御妻者內宰以陰禮教六宮以陰禮教九

嬪以婦職之法教九御使各有屬以作二事禮教與事法分掌故

夫人奉后命率世婦以教九御也戾至也歲既單矣世婦卒蠶奉

繭以示于王遂以獻繭于后后曰此所以為君服與遂副禕而受

之因少牢而禮之

禕與同○單蠶也方氏謂去歲蠶成迄今期歲矣故云歲單也副首飾禕禕衣也以受而禮之

亦敬也。及良日夫人纁三盆手，遂布于三宮。夫人世婦之吉者，使纁

遂朱綠之，玄黃之，以為黼黻文章服。既成，王服以祀先王，先公及

其上下神，示后夫人佐內，祀服亦如之。良吉也。三盆手者，置兩盆

振出其緒也。按祭義，躬桑言夫人不言后祭服。不言事神，示亦不言后夫人服，今以禮補之。

諸侯夫人率其婦官躬桑，卒蠶獻繭于夫人。夫人搯狄若屈狄，以

受之。服既成，君夫人以祀其社稷先公。餘如王后躬桑之禮。祭義並言

天子諸侯之禮是也。

記周禮內宰中春詔后帥外內命婦，治蠶于北郊，以為祭服。歲

終，則會內人之稍食，稽其功事。佐后而受獻功者，正歲均其稍

食，施其功事。施者與典婦功施之均者與地官舍人施之也。典婦功掌婦式之法，以授

嬪婦及內人女功之事齋嬪婦謂國中嬪婦內人謂王宮內人齋資也一云物也凡授嬪

婦功及秋獻功凡授嬪婦功秋獻之若授內人功則內宰職歲終受其獻所謂丞而獻功也

諸侯養牲禮見下

王養牲禮王侯養牲禮不可考今參祭義及周禮補于左

凡王享祀祭之屬牧人掌牧六牲阜蕃其物牛人掌養公牛以待

國之政令此首言凡養祭牲也及歲時齋戒沐浴朝之犧牲于是取之王名

牛納而視之擇其毛而上之吉然後養之此次言卜牲繫養也如祀帝命充

人繫于牢芻之三月王皮弁素積朔月月半巡牲享先王亦如之

此特言繫養帝牲也凡散祭祀之牲繫于國門使養之此泛言繫養凡牲也散祭祀謂祀帝享先

王以

諸侯享其先公及外祭社稷以下猶王繫養散祭祀之牲也其餘
牧養視上並如王養牲之禮

儀禮經傳內編卷二十三

五禮後附

姜兆錫註疏卷義

右篇二十有二卷謹按大宗伯吉凶賓軍嘉五禮類推其例凡正補禮儀并記所殘闕者已約見于篇其五禮支分漏畧應多未及詳也又如出妻禮以下至世子禮若干篇已始附昏禮異廟選舉以下至養牲禮若干篇亦已始附吉禮乃若入小學大學等禮實德行道藝之源流凡聖功王道之所從出者今王制弟子職之屬尙畧可想見而禮初無可附又若王侯顧命禮始附喪禮王侯以下凡受爵祭禮亦附見吉禮而所記王侯嗣位之大禮其殘文亦非無可附記矣今總約附如左學者詳之

庶民入小學禮

小學

國子入小學禮

此古者上自王公下逮士庶之子入歲入小

總記其詳

節于後云

小學之禮司徒頒教法于鄉吏令凡民之子弟歲事已畢皆入塾

于閭塾

歲事已畢太傅所謂綴物已藏新穀已入也

鄉老以鄉三物教之大夫為父師

士為少師平明上老坐于右塾庶老坐于左塾諸子畢出朝食然

後皆歸

上老即父師庶老即少師或曰父師少師皆上老庶老則庶人之老也鄉老後歸約之也

父亦如之

如朝

食也距冬至四十五日始出學傳農事

注曰傳教也立春學止農按此庶人之子三之日于

招故也舊或擇為卿大夫士之餘于者非以周禮鄉官各職及甫田詩烝髦推之可見

一鄉吏以其時讀法而

稽之凡中年考校與其升秀以至大比與賢能皆如之

皆如其稽考也詳後

王侯及卿大夫士之子學于君虎門之左與國之虞辟虎門之左

保氏師氏以六藝六儀及三德三行教之虞庠帥教亦畧辨之虞
在國之西郊周小學也虎門王之路寢門左為小學見周禮師氏
國子亦有二學者猶庶民家塾與黨序與州序之意也○柯氏曰
周制大學天子曰辟雍諸侯曰泮宮辟雍亦曰成均其師即大司
樂而其學者則天子之元子眾子諸侯大夫士之適子與凡民所
升之俊秀也乃王宮又自有國子之學保氏藝儀為小學師氏德
行為大學復以時流辟雍而與國人齒焉則其于國子貴之深養
之至矣愚按柯說得之但其以德行道藝分大小學則論雖善而
未盡也今以論語弟子入則孝章及問晉黨止州長鄉大夫之所
書者考之蓋三德同為大學六儀及六藝之射御書數固為小學
而教實相參况三行與禮樂又道徹上下而大小學所乘也然則
其所分大小學者蓋亦立制之大凡如此而未可
截然畫為二途與論保氏師氏者當以此參之
凡坐教與其考

校升秀畧如閭塾之儀

入大學禮

此天子之元子眾子諸侯卿大夫士之適子與凡

升入之次畧見下節升禮而亦總記其詳節于後○按八歲

大學

卷二十一

七

子之達禮子朱子折衷模志而序于大學者蓋有定論矣
書大傳乃率謂公卿大夫士之衆子與凡民之子皆十五入
小學十八入大學其適子則又十三入小學二十入大學也
何哉公卿之子以下自八歲入學以後遷至四十日強而仕
在學積有年所而學記則云九年謂之大成周禮又云三年
則大比與賢能者蓋不賢且能者屏之其賢能者九年固大
成矣雖遲速或不同時而大綱如此其後則優游而養之若
若三年則大比者乃國家與賢能之期非謂學士出學之期
也舊說或未明此論者每致糾紛

故因論入學年歲而附質之如此

弟子職

按弟子在學凡自灑掃應對進退以及敬業樂群親
師取友之屬當有禮而已爾矣此管子弟子職篇末

似箴銘本與儀禮無涉因其文儼節亦自

見于言中姑記于經學者亦得其意可也

先生施教弟子是則溫恭自虛所受是極

則法也溫恭以儀言自
虛以心言受對施而言

也極盡也必自虛然後能
有容而極盡其所受也

見善從之聞義則服溫柔孝弟毋驕特

力

服叶蒲北反○上二句廣言之下二句
切言之驕而恃力則不和順而悖犯也

志毋虛邪行必正直游

居有常必就有德行去聲○虛偽也上二句以顏色整齊中心必持已言下二句以接物言也

式夙興夜寐衣帶必飭式法也衣帶必飭則無不飭矣此備言其內外大小也朝益暮習小

心翼翼一此不懈是謂學則益講益也

右學則凡五節首節總言教學之則以起之次三節言其條目而未節總結之也

少者之事夜寐蚤作既拚盥漱執事有恪拚音債盥音管○拚前日拚盥漱手漱也

也擗衣共盥先生乃作沃盥徹盥共供同席叶祥倫反○上自盥此供盥沃

先生乃坐出入恭敬如見賓客危坐鄉斷顏色師也沃拚謂廣拚內外不止席前矣

毋作客叶音恪鄉向同○作變也

右蚤作凡三節歷言少者事師之儀而長者亦具其中矣

受業之紀必由長始一周則然其餘則否長上聲否叶音鄙○其次先從長者

所教一周之外隨請始誦必作其次則已凡言與行思中以爲

古之將興者必由此始已止也與首興行之與始誦而作以

也凡言行皆以中爲紀而古之興行者必從此後至就席狹坐則

卑邇者始之矣台坐作之細而有失其中者哉

起狹者近也又言見後至者惟近若有賓客弟子駿作對客無

應且遂行讓叶平聲行叶音杭○駿作迅起也無讓者趨進受命

所求雖不得必以反白反坐復業命先生之命也業即所受業也

若有所疑捧手問之師出皆起至于食時捧手敬也承復業而言

則起及食時則起皆禮之中也

右受業凡六節通言弟子受業之

先生將食弟子饌饋通解曰饌饋謂攝在堂激跪坐而饋饋饋

食陳膳毋棒

錯七故反。○猶陳也。設也。

凡置彼食鳥獸魚鱉必先菜羹菜

中別

設音恣。○設肉也。先菜後肉食之次也。

設在醬前其設要方飯是為卒左酒右

筵

右筵舊誤作醬通解定作菜。○通解曰：設在前者，遠哉近菜食之便也。是謂設也。飯之言猶食也。右醬之醬當作菜，禮三飯乃

食設而辨殺皆畢又用酒以醕用漿以漱故先言設而食終乃言

復在設外

告具而退捧手而立

二句不叶韻未詳按此上食畢別卒為一韻奠方漿為一韻立蓋通

與三飯二斗左執虛豆右執挾七周還而貳唯噤之視

還旋同。噤苦單反。

通解曰：二斗者，三飯食必二毀斗也。挾猶著也。七所以較鼎實也。再益曰貳。食盡曰噤。

同噤以齒周則有相

柄尺不跪是謂貳紀

通解曰：齒次也。視有噤者則益之。如菜肉同盡則先益菜後益肉也。不跪者，豆有柄長尺

立而進之也貳紀

先生已食弟子乃徹趨走進漱拊前板祭

謂漿飲也。食畢乃進漿飲以漱口且拊席前而飲板上所祭也。○按本篇韻不拘節節亦不拘韻故有數韻為節單句無韻而

在隔節遇叶相足者三百篇亦多有之如此章上節立承食

右饋饋 凡八節特言弟子為師饋饋進徹之儀也

先生有命弟子乃食以齒相要坐必盡席要平聲盡儘同○要請也盡席恐汚席也所謂

食坐盡前也飯必捧擊羹不以手亦有據膝無有隱肘既食乃飽循耳

覆手 擊音覽隱去聲飽叶補苟反四音二○飯必捧擊以手羹不

循之以拭以手則以快也據膝蓋羹客隱肘則太伏矣四謂口也覆手振衽埽席已食者作握衣而降旋而鄉席各徹其饋如

于賓客鄉向同○振而掃者為有穢也作而降者為將埽也蓋各

自徹其饋也○通既徹并器乃還而立并進同謂

右命食 凡四節因言弟子遵師命食凡食徹之儀也

凡拊之道實水于盤擗袂及肘堂上播灑室中握手執筯擗探厥

中有帚

揲禮記注作搗又作葉並以涉反○揲袂者恐漏其袂且不便于事也堂上寬故播而灑室中隘故握手為切以

此以上言灑水也廣當揲舌也執箕則以舌自當而置帚于其中也此及下節言執箕也入戶而立其儀不

執帚下箕倚于戶側

貸叶音忒○貸弛也放也倚謂倚箕也

凡拚之紀必由與始俯

仰磬折拚毋有徹拚前而退聚于戶內

徹動也不得觸動他物也退却也從前掃而却退也

聚猶蓄也蓄穢于戶內以待出也此以上言拚地也坐板排之以葉適已實帚于箕先生者

作乃興而

非坐板句未詳舊謂板穢時以手拚之也或曰板蓋箕底木也排之言推謂坐而推去穢也適向也既排則

以葉向身而置帚于箕上也作者恐妨之辭者以安之興謂擇箕而興也坐執而立遂出弃之既拚

立是協是稽

弃棄穢也自上節至此言棄穢也協合稽考也謂拚訖合考書義也一曰謂宜協力以考稽也此則結之

右灑掃

凡五節申言上文拚掃及汛掃之儀也

暮食復禮

謂復朝食之禮也句約言之自為一章

昏將舉火執燭隅坐錯總之法橫于坐所櫛之遠近乃承厥太

上登錯見上○錯置總束也古者東新蒸以為燭故謂之總而後

置于坐所以待用也此以上言執燭也櫛謂燭將盡也承繼也

其將盡之遠近乃更以燭取火而繼之也此及下節前三句言繼燭也

居句如矩蒸間容蒸然者

下捧椀以為緒居倨同句古侯反下叶音戶○倨直句曲也以新

細薪也稍開其燭使蒸間可容一蒸以通火氣又使已然者居下

未然者居上則火易然也此三句承上節總燭之義而言也緒謂

燭櫛燼也椀所以受緒也此及下節言貯櫛而去櫛也

右手執燭左手正櫛厥櫛有墮代

交坐無倍尊者遂出是去者叶音清去上聲○正謂除而正之也

先執燭者既捧椀以貯櫛緒遂以左手

正櫛投緒于椀中也此二句承上節末句貯櫛之義而言也墮

落也櫛短而將墮則後之代執者交坐于尊者之前而前執者乃

取櫛而出棄之此節承上文貯櫛而因言去櫛也

右執燭

凡三節特言自執燭以至去幣之儀也

先生將息弟子皆起敬奉枕席問所衽趾俛衽則請有常則否

同俛昌六反否見上C俛始也變其衽庸則當問其所趾若有常處則不請也

右請衽

此節特言事師請衽之儀也

先生既息各就其友相切相磋各長其儀

友叶音以與上節叶長上聲儀叶五何反○儀

猶善也周則復始是謂弟子之紀

周則復始謂所切磋之事目也

右退習

凡二節終言弟子退息之習業也

凡小學大

此王侯簡不自以紉惡上賢以崇德之禮也而儀禮闕其篇今按王制文書

聖人之遺意則善矣

凡簡升學士之禮司徒頒教法以鄉三物教其民

此先原教民之法也三句

周禮入司徒以命鄉簡不帥教者以告者老皆朝于庠元日習射
下並見王制

上功習鄉上齒大司徒帥國之俊士與執事焉帥率同與去聲此以下乃借言

升之法也簡擇也帥循也注曰命鄉擇以告者謂屬司徒之職也

也朝猶會也將習禮以化之使之觀感也庠謂黨學鄉謂緝飲

之禮周禮春秋習射蜡而習鄉疏曰初時耆老聚會于庠學而日

乃擇元日就州學習射就黨學習鄉周禮州長職春秋習射于州

序又十二月蜡祭黨正不變命國之右鄉簡不帥教者移之左徐

飲酒以正齒位是也

國之左鄉簡不帥教者移之右如初禮不變移之郊如初禮不變

移之遂如初禮不變屏之遠方終身不齒屏去聲○郊謂郊內之六鄉遂謂郊外之六遂

注曰中年考校而又不變乃使轉徙其居冀其更新而化也又中

年移之居郊以令習禮于郊之學又中年復移之居遂令習禮于

遂之學遠方則九州之外也尚猶錄也疏曰按學記中年而考校

中猶間也謂間一年而考校之也移郊謂三年以後至五年之時

間四年之一年移遂謂五年以後至七年之時間六年之一年屏

遠方謂九州之外于周為夷鎮藩則九年之時也蓋隨輕重而為

遠近若王子公卿之子雖屏夷伏但居其內畔耳

命鄉論秀士升之司徒曰選士司徒論

選士之秀者而升之學曰俊士升于司徒者不征于鄉升于學者

不征于司徒曰造士

注曰升者移名而造之也秀士鄉大夫所考有德行道藝者學大學也不征不令其給

役也造成也○愚按鄉大夫職三年大比則考其鄉之德行道藝而與其賢者能者以鄉飲酒之禮與之獻賢能之書于王升名于

天府出長入即下文大樂正論造士之秀者以告于王而升諸同馬曰進士是也彼升廉鄉升之後此升據鄉升之初蓋文有偏

全衍縮亦善

會之可也樂正崇四術立四教順先王詩書禮樂以造士春秋

教以禮樂冬夏教以詩書

注曰樂正樂官之長掌國子之教虞書曰夔命汝典樂教胃子是也崇高也高

尚其術以作教也幼者教之于小學長者教之于大學班固漢書年八歲始入小學十五入大學也詩書禮樂即四術其教即四教

春夏陽也詩樂合聲聲亦陽也秋冬陰也書禮習事亦陰也疏曰鄭意以為秋教禮春教樂冬教書夏教詩也記云秋學禮冬學

詩與此同也若以聲對舞則聲為安靜舞為鼓動舞為陽聲為陰大胥云春釋菜合舞秋頒學合聲是也就舞之中奮動甚有屬陽

奮動靜者屬陰記云春夏學干戈秋冬學羽籥是也但云春夏教以樂詩秋冬教以禮書則是春夏但教以樂詩不教禮書秋冬但教以禮書不教以樂詩也四術不可暫時而闕春教樂明兼有禮秋教禮明兼有樂夏教詩兼有書冬教書兼有詩皆以其術相成但逐其陰陽以為偏主耳王太子王子羣后之太子卿大夫元士之適子國之

俊選皆造焉凡入學以齒造者造成之也王子王之庶子也群后謂諸侯以齒者皆以長幼受學不用尊

也與將出學小胥大胥小樂正簡不帥教者以告于大樂正大樂正

以告于王王命三公九卿大夫元士皆入學出學謂九年大成而出也此所簡者謂玉

大子王子羣后之太子卿大夫元士之適子也大胥小胥樂官之屬不變王親視學不變王三日不

舉屏之遠方西方曰棘東方曰寄終身不齒注曰視學亦使習禮于大學以化之也不

變王又親為之臨視且去其食樂者重樂賢者子孫也棘當為葵葵之言過也使之過寄于夷戎也疏曰殷人習禮在大學記云葵

宗殷之大學是也若周四代之樂按王制大學在公宮之左即東膠也小學在西郊即虞庠也春夏學于戈秋冬學羽籥皆于東序

者謂夏序也春謂夏強大師詔之誓宗者謂殷序也禮在誓宗書
在上序詩則無文鄭注云強謂以絲播詩也則習詩亦在誓宗也
詩與禮樂雖各在其學習之至十五入大學仍兼習四
術注云習禮皆于大學餘可知也按漢書西南有蠻夷

造士之秀者以告于王而升諸司馬曰進士司馬辨論官材論進

士之賢者以告于王而定其論論定然後官之任官然後爵之位

定然後祿之

注曰升者移名而用之也司馬夏官卿主邦政云進士者可以進為于臣也辨論官材辨其論而官其材

也官官職爵命也疏曰所升者謂王子公卿大夫之子而鄉之俊秀入學為造士者亦同也

有發則大司徒

士以車甲

注曰車兵車甲衣甲有發謂有軍師而發用之也疏曰命司徒者以其主眾又主教故使與司馬相參也愚按

有發則司徒教之者蓋用士為伍長兩司馬以上之職也古者自將帥以至卒徒皆公卿及士庶為之此兵農合一之制而教官政官不離而為二者恃此具也後世若齊之內政唐之府兵猶用此意而大司徒教士之本已失矣况其他離之而兩傷者哉

長以上通如其鄉官之教令諸子掌國子之倅其教令亦如之

參周禮大司馬及諸子職還反皆如其簡升之禮所謂舍爵策數也如

記學記古之王者建國君民教學為先此首言立學○家有塾

黨有庠術有序國有學術鄭注讀作遂音訛也陳注作州文誤也陳注是○此以下乃言學之制也古

者二十五家為閭共一巷巷門邊有塾里中之老有道德者為

左右師以教之五百家為黨有庠則教閭塾所升之士二千五

百家為州有序則教黨庠所升之士國謂王都及侯國之學則

又以教元子采子公卿大夫士之子與鄉大夫所升州屬俊選

之士王制天子命之教然後為學天子曰辟廱諸侯曰類宮類

也同辟廱同○廱和也天子之學水四面旋正如壁故曰辟廱諸

侯之學但東西南三面有水形如半壁故曰泮宮詩曰錫京泮

廱記曰泮宮周學也孟子夏曰校殷曰序周曰庠學則三代共之

校序庠皆鄉學學國學也共之無異名也按此三代學名明堂

與王制虞庠夏序殷學周膠皆不合疑有誤見下明堂位

位禮之米廩有虞氏之庠也序夏后氏之序也瞽宗殷學也類

官周學也

四者皆學名周立四代之學而魯象之也虞帝上孝始立庠藏菜盛焉故曰米廩餘見下文

右學之通制

通解曰古者教人其立法大意皆萬世通行不可得而變革者若其名號位謂飾文之詳則自經而

外出于諸儒所記今皆無以考其實姑悉存之愚按據王制明堂位其名號虞曰庠夏曰序殷曰學與孟子夏校殷序周庠之說固互異矣又周兼立虞夏殷為四代之學魯亦仿而用之則與孟子鄉學三代各殊而國學則共者又異也以周禮黨庠州序推之豈孟子固自言其畧而漢記乃得其詳與其位置據王制亦但云虞庠在國之西郊而已未分言四代位置也而鄭注乃始云虞之上庠殷之右學皆大學也在國西郊虞之下庠殷之左學皆小學也在王宮東夏之東序周之東膠皆大學也在王宮東夏之西序周之虞庠皆小學也在國西郊夫豈無據而云然耶詳其意蓋以養國老當于大學養庶老當于小學而周養庶老必于虞之下庠在國西郊則其養國老于東膠必于宮東也考周禮黨庠州序義見地官而春官大司樂則掌成均之法治國學政而合國之子弟此當為小學在郊大學在國之郊而若師保官左之小學則以教國子特立之與學者詳之

記虞書舜命契曰百姓不親五品不遜汝作司徒敬敷五教在

饒契音薛○此以下總言教民以倫常之大道也舜虞帝名契臣各五品謂父子君臣夫婦長幼朋友也五教謂父子有親

君臣有義夫婦有別長幼有序朋友有信司徒教官也言百姓不親由于五品不順汝作教官敷此五教宜以敬為主而以寬

濟之也孟子曰人之有道也飽食煖衣逸居而無教則近于禽獸

聖人有憂之使契為司徒教以人倫父子有親君臣有義夫婦

有別長幼有序朋友有信有道言皆有秉彝之性也然無教則亦放逸怠惰而失之故聖人設官教

以人倫因其固有者而道之也書曰天敘有典勅我五典五惇哉此也左傳晏子曰君令臣共父

慈子孝兄愛弟敬夫和妻柔姑慈婦聽禮也君令而不違臣共

而不貳父慈而教子孝而箴兄愛而友弟敬而順夫和而義妻

柔而正姑慈而從婦聽而婉禮之善物也共恭同○不違教箴友義正從皆以理言

不試順柔婉皆以情言凡十者上語其循分而下乃語其盡道故為善物也王制司徒修六禮以節

民性明七教以興民德齊八政以防淫一道德以同俗養耆老

以致孝恤孤獨以逮不足上賢以崇德簡不肖以黜惡此聖王教民自

鄉學升于國學庶民與國子合教之制而約舉其先教育後考

察之節也六禮冠昏喪祭鄉相見也七教父子兄弟夫婦君臣

長幼朋友賓客也八政衣服飲食事為異別度量數制也鄭氏

曰事為百工技藝也異別五方器用也度丈尺長短也量斗斛

大小也數品口多寡也制邊幅廣狹也一道德統言之也耆老謂致仕之老及鄉中之老而賢者逮及簡擇也

右教之通法

記周禮大司徒令五家為比五比為閭四閭為族五族為黨五

黨為州五州為鄉以鄉三物教萬民而賓興之一曰六德知仁

聖義忠和二曰六行孝友睦婣任恤三曰六藝禮樂射御書數

比知行並去聲○此以下詳言大司徒教民自鄉大夫通頒于比長其教成則又自此長遞升于鄉大夫而賓興之也物猶事

也賓興詳見下鄉大夫職知以明理仁以存心聖以冠幾義以斷事忠以盡已和以平情善父母曰孝善兄弟曰友睦謂親宗族媼謂親姻黨任謂信友恤謂賑貧禮謂吉凶軍賓嘉之五禮樂謂雲門大咸大韶大夏大濩大武之六樂射謂白矢參連刻注彘尺井儀之五射御謂鳴和鸞逐水曲過君表舞交衢逐禽左之五御書謂象形會意指事諧聲轉注假借之六書數謂方田粟布衰分少廣商功均輸盈朒方程勾股之九數以鄉八刑糾萬民一曰不孝之刑二

曰不睦之刑三曰不婣之刑四曰不弟之刑五曰不任之刑六

曰不恤之刑七曰造言之刑八曰亂民之刑糾猶察也不弟即不友也次在後者

疏謂友專指兄弟故在前弟兼指師長故在後也造言即王制言偽而辯以疑衆之類亂民即王制亂名改作以亂政之類

以五禮防萬民之偽而教之中以六樂防萬民之情而教之和

大禮與天地同節故節其濫僞使行得其中正鄉大夫正月之

大樂與天地同和故正其情欲使心得其和平吉受教灋于司徒退而頒之于其鄉吏使各以教其所治以考

其德行察其道藝以歲時入其書正月之吉謂建子之月之也鄉吏謂州長以下入其

書者入于大司徒也三年則大比攷其德行道藝而興賢者能者鄉老及

鄉大夫帥其吏與其眾寡以禮禮賓之注曰賢有德行者能有道藝者與賢若今舉孝

廉與能若今舉茂才云眾寡者鄉人之善者無問多少也賓敬也與猶舉也不言舉言與者謂合眾致其尊寵而以鄉飲酒之

禮禮而賓之也厥明鄉老及鄉大夫羣吏獻賢能之書于王王再拜受

之登于天府內史貳之厥明賓之明日也獻猶進也登升也天府掌祖廟之寶物者王重得賢者故拜

受之而升其書于天府也貳副也內史副寫其書者當諸王得祿之也疏曰內史職掌策命諸侯羣臣故使貳之退而

以鄉射之禮五物詢衆庶一曰和二曰咨三曰主皮四曰和容

五曰興舞以用也行鄉射之禮而以五物詢于眾民也考馬融論語注一曰和志即此和也言其和心志也二曰和

容謂此容言其正威儀也三曰主皮與此同文言其善正鶴也四曰和容古頌容通言其合音樂也五曰興舞與此同文言其

中舞蹈也其說皆切射為合舊注乃謂和載六德容包六行則此與賢能之後方欲育才儲德安能遽繩以備德耶其說非

州長正月之吉各屬其州之民而讀灋以攷其德行道藝而勸

之以糾其過惡而戒之長上聲屬音燭下同○屬猶洽也聚也因聚眾而勸戒之也若以歲

時祭祀州社則屬其民而讀灋亦如之亦如其勸戒也春秋以禮會民

而射于州序正歲則讀教灋如初序州黨之學也先于此行鄉飲酒之禮而後射以觀其德

也也黨正四時之孟月吉日則屬民而讀邦灋以糾戒之以四孟之月期

日讀灋者彌親民于教亦彌數也疎曰卿大夫管五州去民遠不讀法州長管五黨去民漸親故正月正歲春秋兩社四讀法

黨正以下去民彌親故黨正加四月七月十月為七讀法族師又加二月三月五月六月八月九月十二月為十四讀法類于

此總釋祭祭敬反○祭謂春秋祭禘亦如之祭祭水旱之神也正歲屬民讀法而

書其德行道藝注曰書記之也族師月吉則屬民而讀邦法書其孝弟

睦嫻有學者春秋祭醜亦如之醜音步○祭醜其禮未詳注曰蓋亦為壇位如雩祭之祭而與

其民以長幼相獻酬也亦如者如其讀且書也閭胥凡春秋之祭祀役政喪紀之數聚

眾庶既比則讀灋書其敬敏任恤者祭祀以下謂四者皆會聚眾民因以讀法以教戒之

也。比長各掌其比之治五家相受相和親有學奇袤則相及猶

惡也功過皆同也○尚書大傳大夫七十而致仕老其鄉里大夫為父

師士為少師此以下備言教民之師與其教之之時與制而各鄉官乃為之考其成也父師少師所謂里庶尹也

鄭曰古者仕焉而己者歸教于閭里纓鉏已藏新穀已入歲事已畢皆入學車亦

至四十五日始出學傳農事注曰傳教也立春學止上老平明坐于右塾

庶老坐于左塾餘子畢出然後皆歸夕亦如之出謂出而朝夕食也文王

世子凡語于郊者必取賢敏才焉或以德進或以事舉或以信

揚曲藝皆誓之以待又語

注曰語謂論說于郊學也曲藝小學也者傲也傲使為其事也又語又復

為論說也疏曰郊西郊也周以虞庠為小學在西郊天子親視學而與之論說雖小藝皆令待後論說之日而考課之也

而一有焉乃進其等以其序

注曰三說有一善則取之明不謂必盡善也疏曰等輩也序次也

之郊人遠之于成均以及取爵于上尊也

此節舊人字句之字句均字句然義終未

協疑有脫誤或曰遠字當是達字之譌合下句○注曰遠之者謂不稱俊士選士而止稱郊人也成均董仲舒謂五帝大學之名也郊人亦得酌于上尊以相族疏曰上尊謂堂上之酒尊也

界者酌于堂下之尊若郊人則雖賤而亦得酌于堂上之尊也

齊語齊桓公內政之法正月之朝鄉長復事君親問焉曰于子

之鄉有居處好學慈孝于父母聰慧質仁發聞于鄉里者有則

以告有而不以告謂之蔽明其罪五有司已于事而竣

竣音峻○政謂

國政也言內者對軍而言蓋管仲相桓公作內政以寄軍令也復白也質實也此方白事而首以全德問之地竣止也謂告訖

也。乃止。公又問焉曰：于于之鄉有拳勇股肱之力，秀出于衆者，有

則以告，有而不以告，謂之蔽賢。其罪五，有司已于事而竣。上蔽明

其全德之被掩也。此蔽賢語，其偏才之被蒙也。公又問焉曰：于于之鄉有不慈孝于父

母，不長弟于鄉里，驕躁淫暴，不用上令者，有則以告，有而不以

告者，謂之下比。其罪五，有司已于事而竣。又以惡德問之也。驕躁者不敬，淫暴者不

義比也。是故鄉長退而修德，進賢公親見之，遂使役官。役猶為也。及五

屬，大夫復事公，問之如初。五屬大夫于是退而修屬，屬退而修

縣，縣退而修鄉，鄉退而修卒，卒退而修邑，邑退而修家。五屬王制所謂

五國以為屬也。縣鄉卒邑家皆遞差而下。與周禮六鄉六遂六軍小異大同。是故匹夫有善可得而

舉也，匹夫有不善可得而誅也。誅責也。

右教庶民與升俊秀之法。

記周禮師氏掌以三德教國子。一曰至德以爲道本。二曰敏德

以爲行本。三曰孝德以知逆惡。教三行。一曰孝行以親父母。二

曰友行以尊賢良。三曰順行以事師長。

行去聲。知九字。○此以下詳言教官禮官之職。

教國子之諸法也。在心爲德。施之爲行。孝在三德之終。三行之上者。德廣于孝而行莫尊也。國子公卿大夫之子弟。師氏教之。而世子亦齒焉。以學君臣父子長幼之道也。疏曰。鄭不言王大。子及元士之適子者。約言之也。通解曰。按至德自誠意正心。端木清源言之。道則天人性命之理。事物當然之則。修身齊家治國平天下之術也。敏德自強志力行。蓄意廣衆言之行。則理之所當爲。日可見之跡也。孝德自尊祖愛親。不忘其所由生者。言之。知道惡則以得于己者。篤實深固有以真知彼之逆惡而自不忍爲者也。居虎門之左。司王朝。掌國中失之事。以教國子弟。中。去聲。○

注曰。虎門。路寢門也。王日視朝于路寢。其門外畫虎。明勇猛也。司猶察也。察王之視朝。而以善道可行者。前而詔王也。故書中。

為得記君得失若春秋是也教之者使識舊事也疏曰鄭知虎門是路寢門者餘朝非常朝之處此司士所掌是日所朝之所也凡國之貴遊子弟學焉貴遊子弟謂王公之子弟無官司者保氏掌養國子以

道教之六藝一曰五禮二曰六樂三曰五射四曰五馭五曰六

書六曰九數教之六儀一曰祭祀之容二曰賓客之容三曰朝

廷之容四曰喪紀之容五曰軍旅之容六曰車馬之容養以道者以道

審論之而後教之以藝若儀所謂道藝也六藝詳見教庶民章此道之所寓也六儀注引少儀玉藻謂祭祀之容齊齊皇皇賓

客之容肅肅雍雍雍雍朝廷之容濟濟翔翔喪紀之容鼎鼎翼翼旅之容暨暨詒詒車馬之容匪匪翼翼是也此道之所發也

大司樂掌成均之灋以治建國之學政而合國之子弟焉凡有

道者有德者使教焉死則以為樂祖祭于瞽宗注曰成均灋也

也文王世子云于成均以及取爵于上尊也則周立此學與國之子弟即所稱國子道有道藝者德有德行者樂祖若舜命

典樂死則以為樂祖而祭之也云。警宗者，鄭司農謂警工樂人所共宗也。明堂位云：警宗，殷學也。泮宮，周學也。以此觀之，則謂祭于學宮中也。疏曰：按王制，虞學為上庠，下庠，夏學為東序，西序等，則五帝學總名成均，三王學總名辟雍，代各異名，但無文可知。記云：春，詠夏，陟大師，詔之警宗，其教在警宗，故祭還在警宗。記又云：禮在警宗，書在上庠，則祭禮之先師亦在警宗。祭書之先師亦在上庠也。以樂德教國子，中和祗庸，孝友，以樂語教國子，興道。

諷誦言語，以樂舞教國子，舞雲門，大卷，大咸，大磬，大夏，大濩，大

武。興去聲，道導同，卷卷勉反，馨詔同。○中，偏倚化也。和剛柔也。武也。祗，敬庸，常也。善父母曰孝，善兄弟曰友，托物喻事曰興。古，對今日道，借文寓意曰諷。永言達情曰誦，發端曰言，答言曰語。注曰：雲門，大卷，黃帝樂名，言德如雲所出也。大咸，即咸池，堯樂名，言德無所不施也。大磬，舜樂名，言德紹堯也。大夏，禹樂名，言德能普中國也。大濩，湯樂名，言德能救漢民，使得所也。大武，

武王樂名，言德能成武功也。此周所存六代之樂也。疏曰：按樂記，大章，章之也。咸池，備矣。注云：大章，堯樂名，周禮闕之，或作太卷也。咸池，黃帝樂名，堯增修而用之，故周禮謂之大咸耳。雲門，大卷為一，故下文分樂而序之，更不序大卷也。愚按樂記注帝

堯黃帝之樂與本注互異疑樂記注為是說引其文蓋亦取之也但如其說既謂咸池為黃帝之樂則雲門大卷無屬正當詳考之

大胥掌學士之版以待致諸子春入學舍采合舞秋頒學

合聲舍釋同○注曰鄭司農云學士謂卿大夫諸子之學舞者

版籍也今時鄉戶籍謂之戶版大胥召致學舞者按此籍以名之漢制卑者之子不得舞宗廟之酌除吏二千石至六百

石及閭內侯至五大夫之子先取適子年二十至三十顏色和順身體修治者以為舞人與古用卿大夫子同義也舍采月令

仲春命樂正習舞釋菜是也始入學必釋菜禮先師菜蘋藻之屬也春使之樂秋頒其才藝所為合聲謂等其曲折使應節奏

也疏曰先鄭解舍采為以菜贊見其師後鄭不從者按記云凡始立學者必釋奠于先聖先師又云始立學釋菜不舞不投粟

舍即釋也故以為學子始入學釋菜禮先師也釋菜禮輕故不及先

大師掌教國子六詩曰風曰賦曰比曰興曰雅曰頌以六

德為之本以六律為之音

風雅頌者詩之總名十五國風大小雅三頌也賦此與者風雅頌之大德

直陳其事曰賦如葛覃卷耳之類以彼粃此曰比如黍斯類之類託物興詞曰興如關雎兔置之類也教國子必以六者為

教

之經緯則凡詩之節奏指歸將不待講說而已可吟咏以

得之矣六德即大司樂所教樂德也六律兼六同而言

書舜命夔曰命汝典樂教胥子直而溫寬而栗剛而無虐簡而

無傲詩言志歌永言聲依永律和聲八音克諧無相奪倫神人

以和此特言古帝命教國子之法也胥子謂元子以下至卿大夫之子弟說文云胥胤也爾雅云胤繼也繼父世者謂長

子也典樂樂官也王制云樂正崇四術立四教王大子王子

后之太子卿大夫元士之適子皆造焉是也溫利栗敬也直

不足于和寬恐不足于敬故教使全其美剛恐失之虐簡恐失

之傲故教使防其過樂之為教本于中和以養人之情性故其

功效如此也心之所之謂之志歌詠永長也聲謂宮商角徵羽律謂黃鍾大蕤姑洗蕤賓夷則無射之六陽律大呂夾鍾仲呂林鍾南呂應鍾之六陰律八音謂金石絲竹匏土革木之音職和倫理也詩以宣其志歌以長其言而又以五聲依其歌之上下以六律節其聲之清濁則八音皆和不相陵奪而用之祭祀朝享神人皆和矣况教胥子乎此極言樂之功效之大正以見教學之為重也

文王世子凡學世子及學士必時春夏學于棗秋冬學

羽籥皆于東序

凡學之學，尸孝反，教也。下正學舞，正學于師學。戈同。○注曰：時謂四時，各有宜也。學士謂司徒。

論俊選所升于學者，于盾也。戈，句矛戟也。于戈，象武動作之時。

學之，羽籥象文，安靜之時。學之，詩云：左手執籥，右手秉翟。疏曰：

按考工記：戈廣二寸，內倍之，胡三之，援四之。以其形句曲有子，又也。鄭云：若今雞鳴戟也。

大樂正學舞于成

小樂正學干，大胥贊之，籥師學戈，籥師丞贊之。

注曰：小樂正以下四人皆樂官。

之屬，而大樂正其主也。小樂正，樂師也。周禮：樂師掌國學之政。

教國子小舞。大胥，掌學士之版，春入學舍，兼合舞。秋頒學合，擊

籥。師掌教國子舞。羽，吹籥。疏曰：小舞幼時教之，卽帔舞。羽舞，皇

舞。旄舞于舞人，舞也。周禮：唯有籥師。云：籥師丞者，或諸侯之禮

或異代。春誦夏弦，大師詔之。藝宗秋學禮，執禮者詔之。冬讀書

之法也。春誦夏弦，大師詔之。藝宗秋學禮，執禮者詔之。冬讀書

典書者詔之，禮在醫宗書在上庠。

注曰：誦謂詩歌，弦謂以絲播。詩也。陽用事則學以登，陰用

事則學以事也。學書于虞學，典讀所興也。學舞于夏學，文武同

也。學禮樂于殷學，功成治定與周同也。疏曰：上文學舞之時，皆

據升于大學者，若其未升大學之時，用如此文也。春夏是陽，秋

清靜，故學聲。秋冬是陰，主體質，故學事。用立典，夏殷三代之

禮。前升。卷之二十三。七

而司成論說在東序是周之大學夏東序也凡侍坐于太司成

者遠近問三席可以問終則負墻列事未盡不問問如宗徐讀

容也容三席則得指畫相分別也席之制廣三尺三寸三分寸

之一所謂問丈也負墻卻就後席相避也不問者恐錯尊者之

右教國子及庶民所升俊秀之法

豫教禮此特教王世子之禮而諸侯世子亦畧如之也今禮

已闕但錄記大小戴記家語及賈誼等文于左以存

其意耳世子所以特有教者視學其大綱也凡三公三少

之天下及左右華御之細其閑之也切而教之也備矣

〔記〕大戴禮古者王子年八歲而出就外舍學小藝焉履小節焉

束髮而就大學學大藝焉履大節焉居則習禮文行則鳴佩玉

升車則聞和鸞之聲是以非僻之心無自入也

注曰小學謂虎

聞大學謂王

東也。束髮謂成童。白虎通云：八歲入小學，十五入大學。通解曰：按虎闢，即周禮師氏居虎門之左，教國子弟，保氏掌養國子，守王闕也。一作庠門者非。祭義：文王世子家語參：天子設四學，當入學而太

子齒

四學四代之學也。齒者太子與同學者序長幼而不以貴加人也。

設四學何也。凡三王教

世子，必以禮樂樂所以修內也。禮所以修外也。禮樂交錯于中

發形于外，是故其成也懌恭敬而溫文。

修內以和心志，修外以飭威儀，似乎內自內外

自外也而禮自外以達內，樂自內而達外，二者交錯于中而發形于外，則合外內之道矣。此所以其成也懌而既有恭敬之實，又有溫雅之象也。謂之懌者，與論語不亦說乎之說相似。蓋修習既熟而中心悅懌，其進自不能已。此禮樂交相培養之驗也。

故立太傅少傅以養之，欲其知父子君臣之道也。太傅審父子

君臣之道以示之，少傅奉世子以觀太傅之德行而審諭之。大

傅在前，少傅在後，入則有保，出則有師，是以教諭而德成也。師

也者教之以事而喻諸德者也保也者慎其身以輔翼之而歸

諸道者也記曰虞夏商周有師保有疑丞設四輔及三公不必

備唯其人語使能也德成而教尊教尊而官正官正而國治君

之謂也少養行並去聲○養猶教也言養者漬浸養成之也示謂著其禮審論謂說其義出謂就學入謂燕居前後皆

謂在學時也記所云皆謂天子而引以明太子也四輔舊謂疑丞輔弼也尚書大傳曰有問無以對責之疑可志而不志責之

丞可正而不正責之輔可揚而不揚責之弼也語猶言也言能則用之無則已不必備其官也太子德成則教道尊嚴凡居官

守者皆以正自處而國無不正矣此太子他日為君之謂也當入學而太子齒何也曰凡君

之子世子親則父也尊則君也有父之親有君之尊然後兼天

下而有之是故養世子不可不慎也兼猶統也世子能盡親親尊尊之道然後可以撫有

天下故世子齒于學則國人觀之曰此將君我而與我齒讓何

也

也曰有父在則禮然然而衆知父子之道矣其二曰此將君我而與我齒讓何也曰有君在則禮然然而衆知君臣之義矣其三曰此將君我而與我齒讓何也曰長長也則禮然然而衆知長幼之節矣故父在斯爲子君在斯爲臣居子與臣之節所以尊君而親親也故學之爲父子焉學之爲君臣焉學之爲長幼焉父子君臣長幼之道得而後國治行一物而三善皆得者唯世子而已其齒于學之謂也學教同○然而之然猶言夫然也學教也物猶事也語曰樂正司業父師司成一人元良萬國以貞世子之謂也一人或作書作一人師有父道故云父師通解曰一人三句商書太甲家篇文亦本謂天子而引以明世子也古人引經之例多如此語子夏問于孔子日記云周公相成王教之以世子之禮有南

豫教

卷二十三

六

孔子曰昔者成王嗣立幼未能泄昨周公攝政而洹抗世子法于伯禽欲王之知父子君臣之道也所以善成王也夫知爲人子者然後可以爲人父知爲人臣者然後可以爲人君知事人者然後可以使人是故抗世子法于伯禽使之與成王居欲成王之知父子君臣長幼之義也聞之曰爲人臣者殺其身而有益于君則爲之况迂其身以善其君乎周公優爲之抗舉也舉世子之法于伯禽使學此禮于成王側以曉成王也聞者聞于古也迂謂委曲以善君也國語楚莊王使士彊傅太子箴問于申叔時莊王楚君名旅士彊楚大夫箴申叔時曰教之春秋而爲之聳善而抑惡焉以戒勸其心教之世而爲之昭明德而廢幽昏焉以休懼其動教之詩而爲之導廣顯德以

耀明其志教之禮使知上下之則教之樂以疏其穢而鎮其浮

教之令使訪物官教之語使明其德而知先王之務用明德于

民也教之故志使知廢興者而戒懼焉垂之訓典使知族類以

比善焉為比並去聲○以時紀事謂之春秋登獎抑貶也世謂先王之世繫昭顯廢棄也明德者世顯而昏德者世廢

也休懼猶言勸戒勸行也導聞也顯德謂商周主臣之屬纊猶

光也則法也疏之言激衆所以蕩滌人之邪穢也鎮安浮躁也

謂所記前世成敗之故事訓典謂帝王之訓典族類猶言品類

比合也謂別其類而合于義也若是而不從動而不悛則又詠物以行之求賢

良以翼之悛且緣反○悛改也行之言動猶過也謂咏歌事物以勸盪之也翼輔也悛而不彘則身

勤之多訓典刑以納之務慎惇篤以固之彘固也身勤猶言勞謂勤身以率之也

也刑法攝而不徹則明施舍以導之忠明久長以導之信明度

以導之義明等級以導之禮明恭儉以導之孝明敬戒以導之

事明慈愛以導之仁明昭利以導之文明除害以導之武明精

意以導之罰明正德以導之賞明齊肅以耀之臨合上聲度入聲○微通也

施舍施所欲舍所惡也施舍語其誠久長語其守度量語其宜

等級語其差恭儉語其謹敬戒語其慎昭宣除革也利猶順害

猶弊也宣順故文革害故武精意故刑不溢正德 若是而不濟

故實不愷齊壹肅敬也耀臨猶所謂大觀在上 不可為也濟成也為猶治也 賈誼夏為天子十有餘世而殷受之殷為

天子二十餘世而周受之周為天子三十餘世而秦受之秦為

天子二世而亡人性不甚相遠也何三代有道之長而秦無道

之暴也其故可知也夏十七世殷二十一世周三十七世古之秦則始皇胡亥二世耳暴猝也疾也 王者太子適生舉以禮使士負之有司齊肅端冕見之南郊見

于天也過闕則下過廟則趨孝子之道也故自為赤子而教

已行矣齊制皆反見音現附古闕字○古謂夏殷周也周成王

幼召公為太保周公為太傅太公為太師保保其身體傅傅之

德義師導之教訓也于是為置三少少保少傅少師是與太子

宴者也故迺孩提有識三公三少明孝仁禮義以導習之比選

端士有道德者以衛翼之使與居處出入故太子迺生而見正

事聞正言行正道左右前後皆正人也比一作皆大戴禮作也

保安也傅輔也書敘云周公為師晏類及太子少長知妃色則

入于學承師問道退習而考于太傅太傅罰其不則而違其不

及則德智長而理道得矣及太子既冠免于保傅之嚴則有記

過之史徹膳之宰進膳之旌誹謗之木敢諫之鼓警史誦詩王

誦箴諫大夫進謀士傳民語習與智長故切而不媿化與心成

故中道若性

她配同達漢書作匡旌大戴作於媿大戴作獲中
去聲心妃色謂妃匹之色徹猶戒也下文失度則

史書之工漏之二公進而讓之宰夫減其膳是也注曰堯置給
令進善者立于其下設木使誹謗者書政之失舜置鼓使諫者

擊之以自聞也瞽無目者工樂人也中猶合也通解曰習聞規
誦與智俱長故諫雖切亦受之而不媿恨教化與心俱成故所

為皆中于道如性自然也故三代之禮天子春朝朝日秋暮夕月明有敬也

春秋入學坐國老執醬而親饋之明有孝也行中鵠和步甲來

齊趨中肆夏明有度也禽獸見其生不食其死聞其聲不食其

肉凡血氣之類弗身踐明有仁也三代之所以長久者以其輔

翼太子有此具也

漢書無天子二字今從大戴朝上如字下音
湖凡血氣之類弗身踐句今參玉藻注曰

祭日東壇祭月西壇朝日以朝夕月以暮皆迎其初出也入
謂中春舍菜合舞中秋班學合聲坐國老謂天子視學而遊
老鷲和車士鈴齊或作營又作茨采齊肆夏皆樂詩名爾雅云
堂上語之行門外謂之趨周禮及玉藻皆云行以肆夏趨以采
茨此云步中采茨趨中肆夏蓋文誤明有敬教天下
之臣明有孝教天下之孝明有度教天下之儀也 及秦而不

然其俗固非貴辭讓也所上者告訐也固非貴禮義也所上者

刑罰也使趙高傅胡亥而教之獄所習者非斬剗人則夷人之

三族也故胡亥今日卽位而明日射人忠諫者謂之誹謗深計

者謂之妖言其視殺人若艾草菅然豈惟其性惡哉彼所以

之者非其理故也上大戴作尙刺牛例反艾讀爲刈音音委也註謂面相斥罪也趙高宦者秦中車府令胡

亥始皇少子二世也諺曰前車覆後車誠夫三代之所以長久者其

已事可知也然而不能從者是不法聖知也秦世所以凶絕者

其轍可見也然而不避是後車又將覆也

聖知之知去聲○古諺云前車之不忘後

事之師也諺猶云俗語已事謂往事

天下之命懸于太子太子之善在于早諭教

與選左右夫心未濫而先諭教則化易成也開于道術知義理

之指則教之力也若其服習積貫則左右而已胡粵之人生而

同聲者欲不異及其長而成俗累數譯而不能相通行者有雖

死而不能相為者則教習然也故曰選左右早諭教最急夫教

得而左右正則太子正矣太子正而天下定矣書曰一人有慶

兆民賴之此之謂也

易去聲貫貫同○諭曉也與猶及也濫猶放也力大戴作功譯通言語周禮象胥氏

掌之行謂行事為謂傲為死謂歿身也通解曰猶老子言民至老死也定猶正也孟子曰君正莫不正君正而國定矣

諸侯元年卽位禮

王元年卽位禮

此王侯卽位改元之大禮而禮皆闕也其事畧見受顧命并卽位祭禮今更將春秋傳

補記于左

記伊訓惟元祀十有一月乙丑伊尹祠于先王奉嗣王祗見厥

祖此仲王崩太甲卽位尹祠先王而奉其君以告于祖也先王謂湯也自尹言為先王自嗣王言則為厥祖矣不言莫仲王

殞者莫殞不待言也重成湯特祠以告之耳稱尹祠攝祭故也

○注曰此湯崩太甲卽位而莫殞以告也疏曰此年十一月湯

崩踰月太甲卽位莫殞而告也愚按湯崩太丁未立外丙仲王

卽位未久而太甲立此有皇極經世竹書紀年暨孟子並可考

注疏不審而以為湯崩莫殞其率已甚矣况卽以書文求之侯

莫不得言嗣誤仲王崩為湯崩而并改祠為莫以附之何哉侯

甸群后咸在百官總已以聽冢宰注曰伊尹制百官以三公攝冢宰也春秋公羊

傳文公九年毛伯來求金何以不稱王使當喪未君也踰年卽

位矣何以謂之未君緣始終之義一年不二君緣臣民之心不

卽位

卷二十一

三

可曠年無君緣孝子之心則雖三年不忍當也

注曰一年不

稱子不稱君不可曠年無君故踰年即位稱君雖稱君猶三年

不忍當故曲禮天子未除喪曰予小子謙未敢稱一人也疏曰

未葬稱子某既葬稱子踰年稱君緣始終之義不可一年有君緣臣民之心不可曠年無君踰年即位保臣民之心也愚按保猶安也